

I MULUMBE WA LUZYALO

 Nda lumba, Mukwesu Neville. I Mwamiaku longezye. Mwabuka kabotu, beenzuma. Neobeni ncoolwe kuba kookuno alubo cifumo eci mu mulimo wa Mwami. Elyo kuusa buyo loko kuti ta tujisi busena bumbi bwa kubikka bantu mu mbungano niini. Ta ibwezi maningi. Pele tuli kkomene loko kuti muli kookuno a kuli bambila kutuula, ku—ku lindila calukakatilo kuli ndiswe. Elyo tuyo cita kukukonzya kwesu maningi ku muletela Ijwi lya Mwami kabotu loko obo mbotuzi mwaku Li leta. Elyo lino Nda buyo . . .

² Oyu mulindu muubauba wazwaa kunjila, alimwi waa jisi muvwanda waku tuula cifumo cino, alimwi mpawo waa bona kuti bali kubaanga bamuka kubeleka, alimwi waa ti inga waa lindila buyo. Nse na mubwene mwanakazi, pele Nda komba kuti Leza uyo mulongezya a kumupa buvubi maningi bwa zilongezyo Zyakwe mu moyo wakwe, nkaambo kakulindila kwakwe kwalukakatilo.

³ Lino, caboola ciindi ca mwaka elyo nekuyo tontola maningi alimwi taku kapyi maningi cindi twa nosyankene mu mbungano. Elyo tula syoma kuti Leza uyo mulongezya cabuvubi nywebo nyoonse.

⁴ Lino Ndi yanda kwaamba buyo zintu zisyoonto awa Nke tana buyo kukanana. Nda pa kuti Njo kanana cifumo cino, ikuti na Mwami wayanda, aa ciyyo cakuti *I Myuuwo Mu Kambizi*. Pele Wa cicinca buyo kuli ndime. Nse ezyi eco Nce elede kwaamba kusikila ndiza maminiti masyoonto nketana boola ku muswaangano. Elyo Nda soleka ciindi cabili lino aa ciyyo eco, nkabela Nda kakakilwa kujana bwiinguzi kuzwa kuli Leza. Nse zyi kaambo. Nda yandisyaya lyoonse, mbuli ndinywe nyoonse no bakatausi mbomuzi okuno, kuti weelede kulindila ku Mwami kuli ceeco ncoya kwaamba.

⁵ Mangolezya ainda ku telefooniyakumbali, Nda kajisi ii—ii kutuminwa kwakasika lweendo loonse kuzwa kumusanza kubusenabumwi mu Arkansas, bantu bamwi bakali kuyanda kulongela okuno mvwiki eyi itobela, kati bakamvwa kuti twa kali kuyotalika muswaangano wa *I Zinamatizyo Zili Ciloba*. Nda kazwaa kumanizya *I Makkalo Aa Mbungano Ali Ciloba*, ku beenzu. Elyo mulumi wakwe ulaboola mu Muvulo kuzomu janina ncito mu Louisville, kutegwa inga wabeleka kuciindi noba kkala munsi loko ku kumvwa ezyo *Zinamatizyo Zili Ciloba*. Nda kati, “Oko inga kwatola kutandila myeezi yotatwe, mulindu. Ta tujisi busena bumwi ano bwakuzibya muswaangano, a zimwi zimbi, taakwe cintu caku cimamela okuno mu dolopo, taakwe cintu ca kukkazikila bantu.”

⁶ Ndi yanda kuti ciindicimwi, ndiza, ikuti na Leza kayanda, kuba a ceeco mu muswangano wanguzu kubusenabumwi, kupanga muswaangano utandila ku myeezi yotatwe a katalika buyo moonya muli ezyo zinamatizyo mbuli booboo, akuya mu muswangano wanguzu. Mpawo bantu bala konzya kukkala muciindi ca nguwo.

⁷ Mukati Omu, cileenda kuzwa ku cipati 6 ica Ciybunuzyo, kwiinda muli ca 19. Aboobo mula jana zinamatizyo zili ciloba, mpenzyo zili ciloba, mapenzi otatwe, mwanakazi uukkede aa cinyama ca mubala uusalalapyu, a bali zyuulu zili mwaanda a makumi one abone. Oh, kuli kunji buyo loko kwa ncico kunjila kuswaanganya ezyo kakutana pegwa Cinamatizyo Caciloba, cipenzyo caciloba caloka, mweembo waciloba walila. Alimwi kuli zinji loko zya zintu ezyo cakuti zyoonse ziswaanganya eco antoomwe, alimwi acimwi cazyo nciyo ca buzuba bupati muli lwaco.

⁸ Lino atu kotamike mitwe yesu kwakaindi buyo kaniini ku ijwi lya mupailo. Ka tutana kupaila, sa inga kwaba bamwi omuno bayanda kwiibalukwa mu mupailo oyu, alimwi inga mwazibya ku kutambika maanza anu. Elyo mu moyo wako, yeeya kuli Leza eco buyo ncobulide lino. Elyo Nda komba kuti Uyo cipa kuli nduwe.

⁹ Leza Siluzyalo a Singuzuzyoonse, Oyo uli ngu Leza uvuwa mipailo, Taata uuzi zyoonse bana Bakwe nzoba bulide. Wa kali tuzi katu tana zyalwa, alimwi Uli balide ndyato zya maulu esu, ngaonya masusu a mitwe yesu ali balidwe, alimwi majwi esu oonse ali elekedwe mu cipimyo Cako. Aboobo, Mwami Leza, atu pakamane ku zintu ezi cifumo eci, bulizi obu busetekene mbo tu jisi kumbele Lyako.

¹⁰ Bunji bwa maanza ayo atambika cifumo cino, omuno mu kubungana oku kuniini, antela nkwa mipailo ya mibili yabo iicisidwe, bamwi bayandwa bakasweeka. Yebo ulizi myoyo yabo a koonse kuli muli mbabo. Nkambo, cindi Yebo nokaima awa aa nyika, mu ciwa ca muntunsi utegwa Jesu, Mwami wesu, Yebo wakalizi ngaonya maseseke aa moyo. Zintuzyonse bantu nzoba kali kukonzya kuyeyela mu mizeezo yabo, Wa kali kukonzya kubaambila ncobeni kuvuwa eco nco bakali kuyeyea, "Nkaambonzi nco mulibuzya mu myoyo yanu ku zintu ezi?" Jesu wakaziba miyeeyo yabo. Elyo twa kabala mu Lugwalo kuteeti Nduwe mbobuca nguwenya, sunu, amuya myaaka. Alimwi kulilebedwe akwalo kuti, "Oko bobilo na botatwe nkoba bungene antoomwe, oko Njo oba akati kabo." Aboobo Uli waano cifumo cino, mu ciwa ca Muuya Uusalala, alimwi ulizi kuyandisya koonse kuli mu moyo wa bantu.

¹¹ Nda Ku lomba, Taata Leza, kuti Uyo bavuwa a kwaamba kuti, "Ca mana. Nkumbizyo yanu ya vwiilwa, alimwi Ndi—

Ndili muku mutumina cizibyo buzuba obuno kuti koonse nko mwalomba kwa pegwa.”

¹² Leza, tula ibaluka kapati abo batana futulwa, batambika maanza abo. Akube kuti eli libe oora nobaya kutambula Kristo mbuli Mufutuli wabo.

¹³ Muswaangano kautana jala sunu, akube kuti kube cintucimwi cicitika, Mwami, eco ciyo leta Busyu Bwako munsi maningi ku bantu abo kutegwa bazibe kuteeti nguonya Jesu wa keenda mu Galilaya uliimvwi akati ka bantu Bakwe, kutegwa baunke kuzwa awa sunu a cizibisylo nciconya kuti abo bakazwa ku Emau ciindi eco. Cindi nibakali kujokela mu lweendo lwabo, bamane kweenda a Nguwe buzuba boonse, kabaambaula kuli Nguwe, alimwi Awalo kaambaula kuli mbabo, elyo nekubabooobo ba kajisi muzeezo musyonto kuti wakali Nguwe.

¹⁴ O Leza, ziindi zinji loko twa kali boobo. Wa kakanana kuli ndiswe mu kubbila kwa zuba, mu kwimba kwa bayuni, mu kuputaputa kwa matu, mu kusyuuka kwa malubaluba, mu ziimbo zya mbungano, nkabela mbubonya tula ziba aniini kuti Nduwe. Mu twaanda twa balwazi mu cibbadela, masena manji ambi, Ula kanana kuli ndiswe nkabela mbubonya tula mvwisya aniini kuti Nduwe.

¹⁵ Lino, Mwami, mbuli mbo tubweeda ku maanda esu cifumo cino, akube kuti swebo, mbuli mbo bakacita, tuzibe, akube kuti Ucite cintucimwi sunu akati kesu mbubonya buyo Mbo kacita kaindi okuya. Ba kaziba cintu eco Nco kacita okuya kumbele lyabo. Wa kacicita kakutanaba kubambulwa Kwako, alimwi ba kaziba kuti oyo wakali Mwami wakabuka. Ba kapiluka ku nkamu zyabo, bakabotelwa a kulumbaizya Leza, nkambo ba kaziba kuti Wa kali muumi. Elyo ba kati, “Sena myoyo yesu tiiali kupya muli ndiswe mbuli Mbwali kwaambaula kuli ndiswe antomwe mu mugwagwa?” Mwami, kubonekela Kwako okuya a kucita cintucimwi mbuli Nko kacita kakutanaba kubambulwa Kwako, cakatondezya bubuke Bwako, kuti Wa kali nguwenya Jesu, waka bacitya kwiibaluka mubandi wabo oonse antoomwe a Nduwe. Wa ambaula kuli ndiswe mvwiki yoonse, Mwami. Lino bonekela aakati kesu aku Li yubununa ku moyo aumwi ubulide maningi. Nkambo twa cilomba mu Zina lya Jesu, alimwi ku kaambo Kakwe. Ameni.

¹⁶ [Ii mucizi watalika kukanana mu mwambo umbi. Kabeela katakwcintu aa teepu. Ii mukwesu wapa bupanduluzi—Mul.]

¹⁷ Lino ombunga atu paile. [Mukwesu Branham a mbunga bapaila antoomwe—Mu.]: Taata wesi Uli ku Julu, lilemekwe Zina Lyako. Bwami Bwako abuze. Luyando Lwako lucitwe mu nyika, mbuli mbolubede ku Julu. Ko tupa buzuba obuno cinkwa cesu camazuba oonse. Alimwi tulekelele nsotoko zyesu, mbuli mbo tulekelele abo batu bisizya. Alimwi ta tweenzyi mu

kutepaulwa, pele tuvune ku bubi. Nkambo Bwami mbu Bwako, a nguzu, a bulemu, kwalyonse. Ameni.

¹⁸ Cakuti peeni yangu yeelela kuba cibelesyo ca mubezi alimwi pepa lyangu inga lyaba cifulilo, elyo Majwi aya Nge amba lino, eelede kugwalwa aali eli kuteeti Ai nke ku bantu boonse.

¹⁹ Muuya Uusalala wa Leza ula nzila zigambya zya kubeleka a bantu Bakwe. Ziindi zinji kwiinda mu zigambyo a ku zipego a lwiito, ezyo zitabooli ku lweempo, ezyo Leza nzyapa ku bantu Bakwe kwiinda ku luzyalo Lwakwe.

²⁰ Ndili ku munzi lino, kubaanga nkupumuna aniini. Nda bweza ciindi eci ku munzi kanjikanji, kwa ciindi eci ca mwaka, nkaambo Nda yandisya kulyokezya cindi Nda inka kuyo vwima basikaale. Alimwi Nda kali kumusanza mu Kentucky antoomwe a balongwe bangu mvwiki ino, kukuvwima basikaale, cisangabalisyo cangu ciyandisi. Bumwi Nda kattyompesegwa, kutali ncobeni ku kaambo kakuti Nse kakonzya kujana basikaale, pele Nda kalimvwa kutyompesegwa buyo. Cintucimwi cakali kundaambila kuti Nde elede kubweda ku munzi. Elyo Nda kalala mu mootokala nkejoka.

²¹ Mwaka wainda, mbuli mbo muzi nyoonse, eco cili mu bulelbo akwalo mu bumboni a mu mateepu. Nda kali kkede aa busena awa mu Indiana oko Mwami Leza nkvakaselukila a kukanana kuli ndime, kuti, mulimo wangu wabili, oyo wakali afwaafwi kucitika munsi ku ciindi ciciza. Elyo oko kwakalengwa basikaale botatwe. Nywebo nyoonse muli kazi kaano, Ndili masimpe. Bumwi, kuya butanta mugwagwa Nda...kuciindi ni Nda kalekela bamwi balombe kuunka, kuya kukuvwima, Nda—Nda kajisi kulimvwa kweenzu kwakuunka ku busena obu alubo. Cakali ciindi kakutana kuca, mvula kaiwa, alimwi Nse kazyi akwalo naa bakali kukonzya kusika ku kuvwima na pe, pele kuti Ndi sike mu mulimo okuya. *Kuvwima* caamba “kuba olkke kuli lwako, mu kupaila.” Elyo Nda kaimika mootokala akuzwa a kweenda kuzabuka mugwagwa a kuunka omuya mu cisaka, alimwi kakutanaba buyo kuca, kubaanga kula siasiya, kubucedo.

²² Nda kaliimvwi nkabela kapa ijwi lisyoonto lya mupailo, mbuli lyoonse, a kwaambila Taata, kuti, “Cintu buyo Nce kabulide, ku cipa.” Nse syomi muku takanya cili coonse, na kunyonyoona; kwiina neka dubula kayuni mu buumi bwangku mbaakan ya kuyiila buyo, na kufumbwa cintu cimbi. Eco Nce evwima, Nda cilya, na ku cipa muntu umwi oyo uucilya. Nse syomi muku takanya kufumbwa cintu. Nse syomi mu kucita zintu ezyo, nkaambo ta kululeme.

²³ Mpawo Mbwe kanyonena a kutalika kweenda ku kazila kaniini kazizilwe ku mbali lya macelelo akalanduka ku L-sheepu mu zisaka, nkabela cintucimwi ceenzu cakacitika. Luzibo lwango loonse, Nseno bede a cintu cili coonse mbuli

ceeco. Nda kalanga atala lya cilundu ku lumwensi lwangu kuzwa oko Nkwe kaimvwi, alimwi okuya, kuzwa mbuli mpela ya cilundu, kwakasika bafulicoongo botatwe. Elyo baali kusika tukokola twa makumi otatwe mujulu. Kusaanguna, Nda kalanga a kubona Mumuni nkabela Nda kacebuka buyo, nkaambo Nda kaciyeeya kuti inga lyaba zuba lyakali kutanta. Ku muyeeyo wabili, tii wakali waku zuba, wakali waku nyiika. Elyo cintu cimbi, kwakali kabotu, kuzwide makumbi, mvula, kaiwa koonse. Oyo wakali wamu Ivvivwi mu tweenti faivi, cifumo Bwasanu bwainda, alimwi mulizi obo mbo yakali kuwa. Elyo akali makumbi mabotu koonse.

²⁴ Elyo Nda kalanga alubo. Elyo ngooyo mbwakabede, kuya bulampa loko a kulampa loko, bafulicoongo botatwe. Nda kasamununa ngowani yangu. Nda kabikka ansi ntobolo yangu. Nda katalika kweenda kutozya kuli nguwo a maanza angu mujulu. Cintucimiwi cakabaanga cindaambila kuti, “Oku munsi kweelela.” Nda kali kuunka kuyo kkala ansi a kusamununa majombo angu ayo Nge kasamide, kubona na Nda kali kukonzya kweenda munsi loko. Pele Nda kasika mu mayaadi masyoonto aa ncico alimwi Nda kabona mubala wa nguwo, kusansaila mbuli sikunku kauzunguluka koonse. Nda kaima nji kwa ziindi zice. Wa kali kuboola kuzwa atala eni lya cilundu ciniini. Elyo Nda kalangilila, mbuli yotatwe (omwe ku lulyo, omwe ku lumwesi, a umwi aakati) kaiselemuka mbuli mu cibbo comwe. Kufumbwa mbo wakabede, wa kali anguzu, Wa kali kweenda a kubamba kuputaputa Kwao. Elyo Nda kaima awo mbubonya buyo mbo kwakali kuya busiyasiya, kubucedo.

²⁵ Nda kanyona a kulanga alubo, elyo Nda koongolola, “O Leza, ncinzi Neo yanda kuti mulanda Wako azibe?”

²⁶ Mpawo buyo Muuya wa Mwami waka njila a kwaamba, “Jesu wa Cizuminano Cipywa ngu Jehova wa Cakale, Wa kacinca buyo cizwato Cakwe kuzwa ku Muuya kuyaku Muntu.” Oko kwakali kutondezegwa, mubwini, kwa Mulumbe wangu wakazwa kuli Nguwe. Ku ndizibya, kusimpikizya kuti eyi myaka ili makumi otatwe aumwi teeyakali yabuyo pe.

²⁷ Eelyo Mbwe katalikila kuswena, Wa katalika kuzwa, a kuunka kuselemukila mu cintu eci mbuli cibbo, elyo mpawo kazimaana. Nda keenda munsi. Nda kali kuyoowa kuunka munsi loko alimwi, nkaambo Wa kandiimika Nke tana sika okuya.

²⁸ Nda kanyona a kuziba kuti oyo Mumuni, nzila Mbo wakali ku ndimwekela, wakali mu mundando wini a cisamu oko Nkwe kakkede mwaka wainda, oko basikaale nkoba kabonekela. Kwiinde maminiti ali makumi otatwe aosanwe na maminiti ali makumi one, Nda kaselemukila mu zisaka a kunselelo ya kalonga a zimwi zimbi, mane Nda kasika ku cisamu eci eco candaanya mu nzila zyone (kujwe, kunyiika, kumbo, a kumusanza), mpanda zyone zya cisamu, kazimaana. Elyo

Nda katanta mu mpanda eyi, nkabela ndaka kkala awo Mpe kabede cindi Na kandaambila Lugwalo olo, "Ikuti na waambila dundu eli kuti, 'Ko zyuka.'" Elyo mbuli Mbwe kaimvwi awo aniini, kutali kuyeeya zya fulicoongo, cakali zwide mu muzeezo wangu. Nda kaima awo. Elyo oyu wakali mwaka mubi loko wa kumvwima basikaale, zintuzyonse zili mukide, taakwe basikaale.

²⁹ Nda kayeeya, "Mpoonya awa Leza mpa kandipeda basikaale mwaka wainda, ku kulenga." Nda kasamununa ngowani yangu alubo, elyo Nda kati, "Mwami Leza, Yebo ucili Jesu nguwenya. Yebo ucili Leza."

³⁰ Elyo Cintucimwi cakati kuli ndime, "Mbangaye mboyanda ciindi eci?"

³¹ Nda kati, "Mbubonya Mbwe kacita ciindi cimbi, agolelwa." Elyo mpawo Nda kati, "Njo oba agolelwa awa kiitana kkwana teeni okuloko sunu." Elyo bweenzu mbuli mbo ciboneka, mpawo buyo Nda kali mu busena bwa mansenya bubi loko, obo bwaka yambukilwa mansenya, a kubaanga ninsi ya cilobe, elyo nsenya pati loko lyakasika ku ndiluma moonya munsi lya liso, elyo Nda kati, "Taakwe lyomwe lya ngawo liyo ndinyonganya buzuba obuno," taakwe citanzyo na kufumbwa cintu a ndime. Elyo, Nke tana ciziba, Nda kati, "I zuba liyo mweka mu maminiti aali makumi otatwe."

³² Elyo Mbwe kaambila buyo eco, kusule buyo lyangu, sikaale mbubonya mbuli umwi wa mwaka wainda, munini, uusubila, kasotokela aa mutabi kutandila mayaadi ali makumi aali ciloba kutantamuka a katalika kukuwa. Nda kavuuluka. Ku musinzo oyo mulamfu, Nda kakonzya mubuyumuyumu, kwiinda mu cilanzyo canguzu, kubona liso lyakwe. Kadubula buyo, kwa mana, Nse kapima akwalo, cita buyo aali sikaale. Elyo musyonga waka lulama eni aa liso awo mpo kwakabede cindi cimbi.

³³ Kuya buselemuka mu zisaka Nda kaunka. Elyo ku maminiti eni otatwe aa teeni okuloko, Nda kadubula sikaale wangu watatu, mbubonya mbuli mwaka wainda, mbubonya buyo ncobeni. Ku maminiti otatwe teeni kaitana kkwana. Leza, mukuba Mubetesi wangu uusinizizye, taakwe akwalo nsenya lyomwe lya kalila buzuba boonse, nkoonya oko kuli mataani eni angawo, Nda yeeyela, ikuti na akonzya kweelekwa. Elyo Nse kasola kubona na kumvwala lyomwe. Nda kali kwaaswiilila, kubona na Nda kali kukonzya. Elyo Nda kamvwa kuvuuma, Nda kayeeya, "Kuli limwi kubusenabumwi," elyo Nda kaswiilila nkabela lyakali traki, kulaale mu mugwagwamupati. Elyo maminiti eni ali makumi otatwe kuzwa ku ciindi eco, zuba lya kamweka kabotu a kubalama.

³⁴ Mpawo Nda kapiluka ku busena. Elyo Nda kali kuyeeya, cindi Ne kati "agolelwa," oko kwakali kwaamba *basikaale bosanwe*, ali mpa golelwa mu Indiana. Pele Nda yeeya

mwaka wainda, cindi Na kandibuzya obo mbo caka nditolela mubuyumuyumu, Nda kati, “botatwe,” nkabela Nda kajaya buyo botatwe. Aboobo ijilo Nda kapilukila, kali kuunka ku busena mbubonya alubo, elyo Cintucimwi cakati, “Uta unki pe. Zabuka mugwagwa.”

³⁵ Elyo aa teeni okukolo eni, a ciindi cini ceelede, teeni okuloko ku wacci lyangu, Nda kadubula agolelwa mu Indiana, sikaale wasanu. Ndi yanda kuti mubone kuti kwakali bafulicoongo botatwe, alimwi kwakali zintu zyotatwe zya kaambwa, basikaale botatwe bakajanwa. Kwakali zintu zyotatwe: basikaale botatwe kusika ku teeni okuloko, kwiina mansenya, zuba nilya kamweka mu maminiti ali makumi otatwe. Elyo kwakali botatwe kupa bumboni bwa ncico: Mukwesu Banks Wood, mwana wangu Billy Paul, a mwana wakwe David, ku kupa bumboni kuli ncico.

³⁶ Cindi ni Nda kabona bafulicoongo, kutandila bukwasule mbuli mubalo wamumuni oyo mboubede, oyo Angelo wa Mwami, pele kwakali botatwe babo bakali kunjila muli Omwe. Oh, obo mbo cakagwasya moyo wangu, kuziba kuti Leza, Jesu tali muntu buyo mbuli bantu mbo bayeeya kuti Mbwa bede, musinsimi buyo, mbuli muzeezo oyu wasunu mupya uyeeya kuti Jesu wakali musinsimi buyo, Ngu Jehova wa Cizuminano Cakale wakaba mu mibili wabuntu a kukkanala akati kesu. Elyo, awo, kuti masimpe caka nduumbulizya. Mpawo, kuyeeya aa ciiyo eco, kuti Leza wakayandaula bantu banji loko.

³⁷ Lino, kuli nkamu ya bantu, baliita lwabo kuti “Babumwi” na “Jesu Biyo.” Nse zuminani ambabo aa lwiiyo lwabo lwabukombi. Akwalo Nse zuminani—zuminani a nkamu eyo yabana trinitaria eyo yaamba kuti kuli Baleza botatwe bandeene, kusakana kwa bana trinitaria. Pele Ndi syoma kuti botatwe, Taata, Mwana, a Muuya Uusalala, bali Omwe, kuti masena akubelekela otatwe aa Leza omwe. Wa kapona muciiro Cataata, mu Musumpululu wa Mulilo; Wa kapona muciiro Camwana, muli Jesu Kristo; alimwi Ula pona lino mu Muuya Uusalala, mu Mbungano Yakwe. I Mwami Jesu nguwenya wakaba mu mibili wabuntu a kukkanala akati kesu, uli andiswe buzuba obuno, akati kesu, mu ciwa ca Muuya Uusalala.

³⁸ Zya luzibo loonse! Cindi ni Nda kacebuka lutaanzi a Ku ubona, Nke yeeya kusaanguna kuti Wa kali kukonzya kuba zuba lisondela kwiinda mu ii—ii kkumbi kubusenabumwi, pele tii cakali nasika ciindi ca zuba. Mpawo cindi ni Nda kanyona alubo, a kubona kuti tee wakali mumuni, bakali bafulicoongo. Elyo mpawo cindi ni Nda kalanga a kubona boobo, Nda kaba acinywe koonse.

³⁹ Muntu umwi ncobeni wakati kuli ndime, “Sa toka limvwa mbuli koongolola?” Peepe, Tii ndaka limvwa mbuli koongolola. Luzibo olo talu konzyi kukubamba kulimvwa mbuli koongolola,

zikubamba buyo kumvwa kusimpwa, awo mpo ziba buyo kuti kuli cintucimwi eco cikwaambila, kulimvwa kukkutya ncobeni.

⁴⁰ Lino, zintu ezyo nzya bwini. Ndi lizi tuli jisi zintu zya kaambwa, cakuti ziindi zinji bantu bamwi balati, "Oh, Nse syomi mu zintu mbuli zeezyo." Nse konzyi kwaamba kusyoma zeezyo, Nse zyi pe. Ndi konzya biyo kwaamba kusyoma eco nce Ndi zyi kuba bwini. Elyo Leza Singuzuzyonse, Wa kalemba Bbaibbele eli, alimwi Ndili mulanda Wakwe, Uli zyi kuti obo mbwini.

⁴¹ Amu ciyeeye, kuti buzuba obo mbo tuponamo, kakutanaba buyo kuboola kwa Mwami, Jesu wakati, "Kuyooba zitondezyo mu milengalenga a mu nyika, kuboneka kulemu, ndeke zyeenzegwa abaku pulaneti iimbi, tudandamiti, kunyongana akulibilika kwaciindi, mafwabi mapati akati ka masi, kuboneka kuyoosya loko aa nyika." Elyo tupona mu buzuba obo, ku bona zintu ezyo.

⁴² Lino, ku Mulumbe cifumo cino oyo Ngwe sala, Ndi yanda kuti mujule andime mu Magwalo, akuya kuli Zekaria. Kwa kali kwangu . . . Zekaria, i—i cipati ca 4.

⁴³ Kwakali kuyandisya kwangu ku mwaambila zintu ezi. Ziindi zinji zintu zila citika ezyo Nze—Nze takanani, nse zyaambi. Pele eco cakali cibotu loko kuli ndime kutacisisila mbungano. Ce elede kwaambwa! Alimwi, kumbele lya Leza Oyo Ngu njiminide, nzya bwini. Ndi lizi kuti nkiali Leza, alimwi Ndi lizi kuti Jesu Kristo Mwana wa Leza, Emanueli, kakkala aakati ka bantu Bakwe sunu mu ciwa ca Muuya Uusalala. Alimwi Ndi lizi kuti Kuboola kwa Mwami kuya buswena, cindi zitondezyo a zigambyo nozili bonya.

⁴⁴ Twa kazwaa kumanizya Makkalo aa Mbungano zili Ciloba, a kwiiya kuti tuli mu Bukkalo bwamamanino bwa Mbungano ya Laodikeya, cindi mbungano noiyooba akancimwa, kuba itontola, kubunganya, a kuba kabunga; tubunga tuyu yeendelezya, kwii nyonyoona do. Pele cisymezyo neakuti kuyooba basyaalizi basyoonto bayo syaala. Kuyooba Mbungano iyo sabalangana koonse kumasena, pele Leza inga Uyo ibunganya a Kwi kwempa kuya mu Bulemu; nkamu niini yakasalazigwa kubusenabumwi, kailindila Mwami.

⁴⁵ Mpawo buzuba bumwi cindi ni Nda kabweza *Mvwiki Zili Makumi Ali Ciloba Zya Daniele*, nkeimvwi mpoonya awa aa cikambaukilo, Cintucimwi caka ndijata, Nda kakacilwa ku citantamuka. Ku bona oora ndyo tuponamo! Ndi yanda kuunka kumwi a kucita cintucimwi cimbi, kucigusya ku mizeeo yangu. Ndi jisi bayandwa banji loko abo batana futulwa. Mukuziba, ncinzi nce Ndi konzya kucita kuti bafutulwe? Ncinzi ciliko eco Nce konzya kucita? Nda kambauka Makanimabotu. Leza wacita zitondezyo a zigambyo zipati mbuli Nzya tana kucita kuzwida inyika, kuzwida ku mazuba a Mwami Jesu, Tana cicitide mu

makani oonse akale aa ciindi. Elyo kuzunguluka inyika caunka. Alimwi inyika icizumanana kuya bubija. Pele mpawo Nde elede kuyeeya kuti tuponena mu Bukkalo bwa Mbungano ya Laodikeya, oko nkobayo indila kubija, ncobeni Lya kaamba kuti bayo cita.

⁴⁶ Mpawo Nda sala cifumo cino, mukuba kuti oyo Mulumbe waka lwanwa maningi, cintu cimbi eco Nee tobewa maningi, calo, nkukambauka luzyalo. Ndi yanda kukanana ali ceecei cifumo cino mbuli mbo Ndi bala cipati ca 4 ica Zekaria, cibeela ca neico.

Elyo angelo oyo wakaambaula a ndime wakasika alubo, a kundi sinsimuna, mbuli muntu mbwa sinsimunwa kuzwa mu...koona,

Elyo wa ka ndaambila kuti, Ino ubwene nzi? Elyo Nda kati, Nda langa, a kubona cibikkilo ca lampi ca ngolide koonse, a cibbo atala lyaco, elyo malampi akwe ali ciloba atala ali ncico, a mapaiapi ali ciloba ku malampi ali ciloba, ayo ala atala lyaco:

Elyo masamu obile a olifa kumbali lyaco, lyomwe atala lya lubazu lwa lulyo ilwa cibbo, alimbi atala lya lubazu lwa lumwesi lwaco.

Aboobo Nda kavuwa a kwaambila angelo oyo wakali kwaambaula a ndime, kaamba, Ino ezi niinzi, mwami wangu?

Elyo angelo wakali kwaambaula a ndime wakavuwa a ku ndaambila kuti, Sa tozi ezi mbo zibede? Elyo Nda kati, Peepe, mwami wangu.

Mpawo wa kavuwa a kundi kananina, kwaamba kuti, Eli ndi Ijwi lya MWAMI kuli Zerubabelo, lyaamba kuti, Kutali ku bukozu, nanka ku nguzu, pele ku muuya wangu, mbwaamba MWAMI wa makamu.

⁴⁷ Sena mwabona? I Mulumbe tau kabooli kwiinda ku bukozu bumwi upati na nguzu, pele ku Muuya wa Leza! Kampango kamamanino, kampango ka 7.

Ino nduweni, O dundu pati? kunembo lya Zerubabelo uyooba nkwaalale: alimwi uyo leta bbwelyampela lya ndilyo a koongolola, kulila, Luzyalo, luzyalo kuli ndilyo. Luzyalo, luzyalo kuli ndilyo.

⁴⁸ Toonse tulizi kabotu Lugwalo olu, olo lwabalwa mu Bbaibble. Tu lizi kuti oku kwakali kuciindi ca kulibambilika kuboozezya kwa tempele. Elyo Zerubabelo wakali sibwami mupati akati ka bantu, oyo waka bikka ntalisyo ya buyake. Lino, nywebo, Ndi yanda kuti musame kuyeeya kwanu kwa kumuuya, jakete linanikidwe, cifumo cino, mbuli mbo tuyeeaya. Elyo sibwami oyu mupati wakali kanzide kuyakulula ng'anda

ya Mwami. Elyo mpawo, cindi na kacita, wa kabikkide bbwe lyatnalisyo.

⁴⁹ Elyo mbuli mbo tubala ambele, tuyo bona kuti Leza wakati, “Zerubabelo waka bikka ntalisyo a maanza akwe, akwalo uyo leta bbwelyampela.” Ndi yanda kuti mubone, Ta kaamba kuti uyo leta “Bbwelyaciswi.” Uyo leta “bbwelyampela.”

⁵⁰ Alimwi tu lizi kuti Lugwalo lwaamba kuteeti Jesu ngu Bbwelyaciswi Ipati, alimwi akwalo Ngu Bbwelyampela. Lino ikuti na tuyo yeeya kwa maminiti masyoonto, kuti, mutumwa wa mbungano yaciloba wakeelede “kuboozezya Lusyomo lwa bana kujokela ku matata.” Mu majwi ambi, kuyakulula Mbungano alubo kunsi lya Nguzu zya Muuya. “Kutali ku nguzu, nanka ku bukozu, pele ku Muuya Wangu,” mbwaamba Mwami. Kutali ku kabunga, nanka ku kabungwe, pele ku Muuya Uusalala, Leza uyo leta Mbungano ku buzuba bwamamanino.

⁵¹ Zarubabelo, sibwami antomwe a Joshua, wakali nguwe wa keelede kuleta eli bbwelyampela. Wa kabikka ntalisyo, wa kajosya bantu ku ntalisyo, mu cikozyanyo.

⁵² Kwalo, toonse tu lizi kuti ezyo zibikkilo zyamalampi a zimwi zimbi zyakali kwiaminina ba Juda a mbungano kobilo. Ba kali “mitabi ya olifa,” Bbaibbele lya kaamba awa. Elyo mutabi wa olifa, tuli mutabi wa musokwe oyo waka somekwa mu muyanda wa musamu wa olifa uulimwa; Bamasi! Alimwi kuzwa ku mitabi eyi yobile kwakazwa mapaipi atununkilizyo, anjila mu zibikkilo zyamalampi zili ciloba zya ngolide, kuti ipe Mumuni ku Makkalo aa Mbungano ali Ciloba.

⁵³ Lino amuyeeye, mu kuiyisa kwesu a ziiyo nzo twa kazwaa kwiindamo, kuti twa kabweza piramidi mpati a kulangalanga eyo kwaciindi, eyo Enoki njaelede kuti wakayaka. Elyo bbwelyampela taakwe nelya kabikkwa mu piramidi. Nda kaliko okuya. I bupange bwabuyake bwanjiyo tii bwaka konzya kutolelwu busena kusikila buzuba obuno. Ta tujisi mincina iikonzya kuyaka piramidi, taakwe nguzu (cita nguzu zya atomiki) ezyo zikonzya kuyaka piramidi, nkaambo ni mpati maningi. Mabwe inga alema mataani a mataani a mataani, alaima kulaale mu mulengalenga, aakabikkwa antoomwe loko cakuti ayalo mbeli ipapalete taikonzyi... Alimwi taa bikkidwe simenti pe, aka gwamwa buyo cakuti ala swaangana limwi alimwi.

⁵⁴ Nje nzila Mubili wa Jesu Kristo mboweelede kuba, kajubwa loko ku Muuya Uusalala, kwiinda ku Cibelesyo a Citenzyo ica Leza cipati, kuti tuka swaanganisigwe mbuli Muntu omwe. Ta twaabaudwe pe. Twe elede kuba Muntu omwe! Elyo ciinka kutondezya kuti taakwe mincina ikonzya kucita nzila eyo. Ci tola Leza kucita ceeco. Taakwe bubambwe bwa kabunga, taakwe zikatulukilo, kwiina zintu ezi zikonzya kusola kucicita, mbuli

makanze abo mbwali mabotu. Ta bakonzyi kucicita, nkaambo kakuti citola Leza kucita ceecei, Muuya Uusalala.

⁵⁵ Nse yeeyi kuti Ndi jisi mali yapepa iya dollar mu nkomo yangu. Pele kuli...Iiyi, Ndi jisi, Ndi jisi mali yapepa iya dollar. Mundi jatile. Ku sule lya mali aya apepa iya dollar muyo bona caando ca United States ku lubazu lwa lumwesi, kulanga kuli ndinywe. Kuzwa kuli ndime, inga caba ku lubazu lwa lumwesi; lwanu, nku lulyo. Ngu sikwaze. Elyo akwalo mukati omuya kuli kkoti ya armusi a zimwi zimbi. Pele aa lubazu *olu* awa, lubazu lwa lulyo, kuli ndime, muyo bona piramidi. Elyo mula bona, atala lya piramidi kuli bbwelyansonje, nkabela aansi awo kwaamba kuti, "I Caando Cipati." Akwalo aa mali esu, kuti twe elede kuzumina. Taakwe muhedeni ukonzya kugusya Bunakristo. Lugwalo alumwi ndo mulemba buzuba, lulembwa buzuba kuzwa ku kuzyalwa kwa Mwami wesi. Kkalenda aimwi, zintuzyonse zikanana Nguwe. Alimwi alo mali esu, Bbwelyampela, uli ngu Kristo! Nkaambonzi ncoba takabikka bbwelyampela aa piramidi? Nkaambo Bbwelyampela lyaka kakwa cindi ni Lya kasika.

⁵⁶ Pele lino, kweendelana ku cisinsimi, kuyo boola Bbwelyampela. Alimwi Ndi yanda kuti mubone, cindi Bbwelyampela lyasika, sibwami oyo uyoompolola Mulumbe uyolila "Luzyalo! Luzyalo!" Nkambo nku luzyalo nko tufutulwa, kutali ku milimo, kutegwa muntu umwi atali kankaizyi. Elyo Mulumbe wa luzyalo waka lyataulwa kunsi aa matende aa bantu kusikila waba mause. Bamwi babo baunka mu bukwabilizi Butamani, bamwi baunka mu zintuzyonse. Pele, Mulumbe wini wa luzyalo ucili mbubonya, alimwi mpaawo Saatani mpa soleka kulugusya ku Mbungano. Pele nku luzyalo lwa Leza nko twa kafutukila toonse.

⁵⁷ Aboobo mu Buleza bwa Jesu Kristo, ikuti na Mwami Leza wakonzya kuboola okuya a kutondezya kuti obo Mbwini, kutali buyo boobo, pele kwiinda ku Ijwi Lyakwe Ula tondezya kuti Mbwini, alimwi kwiinda ku zitondezyo a zigambyo Ula tondezya kuti Mbwini, mpawo, akwalo, luzyalo Mbwini. Mpawo nkaambonzi umwi nca konzya kukazya a kwaamba kuti luzyalo luli lubide, kuti "tu futulwa ku milimo"? Tula futulwa ku luzyalo, kwiinda mu lusyomo, kutali ku milimo. Milimo itondezya kuti waka futulwa. Pele cintu ciku futula nduzyalo lwa Leza. Luzyalo lula kufutula. Luzyalo nceeco Leza nca kucitila. Milimo nceeco ncocitila Leza, ku tondezya kulumba ku cintu Leza nca kakucitila. Pele ku luzyalo nko futulwa!

⁵⁸ Bantu bamwi bayeeya kuti, "Nkaambo Nda unka kusangana mbungano, bikka zina lyangu mu bbuku, nku koonse Nkwe elede kucita." Bantu bamwi bayeeya kuti, "Nkaambo Nda ongolola, nku koonse Nkwe elede kucita." Bamwi bayeeya kuti, "Nkaambo Nda kanana mu myaambo, nku koonse Nkwe elede kucita." Bamwi bayeeya kuti, "Nkaambo Ndi jisi nguzu zya kuponya

balwazi, nku koonse Nkwe elede kucita.” Ta kuli obo! Lwalo nduzyalo lwa Leza lu kufutula, luzyalo lwa Leza lugambya. Nse konzyi kusyoma mu zyeelelo zili zyoonse. Bamwi bakati, “Ee, kuli muntu mulemu. Oyo muntu, Nda kamumvwa kaimikila a kucita *ceeci*, Nda kamumvwa kaimikila a kucita *ceeco*.”

⁵⁹ Paulo wakati, mu Bakorinto Bataanzi 13, “Nekubakuti Nda amba a mwaambo wa bantu awa Baangelo, nekubakuti Ndi jisi kutweluka, nekubakuti Ndi jisi zipego, zya kusanina, Njo bweza mbono zyangu zyoonse a kusanizya bacete, nekubakuti Nda konzya kuzyula malundu ku lusyomo, nekubakuti Ndi jisi luzibo lwa kumvvisya zintu zyoonse, ta Ndili cintu kusikila luyandisyo lwanjila, luli nduzyalo.” Leza weelede kucicita. Ula konzya kucita zintu ezi zyoonse nkabela kocisweekede. Lwalo nduzyalo lu kufutula, luzyalo lwa Leza ku mukowa wabantunsi.

⁶⁰ Kuyeyya Nguwe! Nda kali kuyeyya luzyalo olo kumane biyo kubonekela oko cifumo Bwasanu, nkoonya buya ku kupasuka kwazuba, kutala okuya mu muunda oyo cindi ni Nda kakkede aa citanda, kumane, a misozi kiiloka kuzwa mu meso angu. “O, Leza, luzyalo Lwako lwaka selemuka ku ndifutula. Nkaambonzi Nco kasola kuba a luse boobu ku mupenzi, mucete uutayiide mbuli lwangu? Mbobuti Mbo kasola kuselukila ku cikombelo cesu ciniini cibombede, oko luumuno, a bantu babweende bwaansi bwa buumi, butakweankobuya, bata jisi zintu mu inyika, elyo nekubabobo luzyalo Lwako lwaka sabalangana moonse mu myoyo yesu, kwiinda ku Muuya Uusalala, cakuti Ula ponya malwazi esu a kuvuna zibi zyesu, ku tuvuna ku zibi zyesu, mubwini, a kutu bamba kuba bantu Bako, kubeleka a ndiswe?”

⁶¹ Mpawo Nda kayeeya Davida, obo cindi naka bweza tuyeyeo wakuyakila Mwami ng’anda, kati, “Ta kululeme kuli ndime kukkanila mu ng’anda ya kedara, kakuli Bbokesi ly a cipangano ca Leza wangu lili kunsi ly a zikutu zya mbelele a cikombelo.”

⁶² Leza wakaambila musinsimi, “Koya kaambile mulanda Wangu, Davida, Nda kamugusya ku ciba cambelele, kuzwa kukuzisanina mbelele zisyoonto okuya zya bawisi, a ‘kukubamba zina pati mbuli bantu bapati mu nyika.’”

⁶³ Nda kayeeya luzyalo lwa Leza, obo Mbwa kali kukonzya kucita boobo, kuvuna bali kulaale! Elyo mpawo kubweza mupenzi mucete mbuli ndime, a ku ndipa coolwe ca kukambauka Makanimabotu a kubona bamwi kufutuka, kubabona kaba ponesegwa; kubona maanda ayo akamwaikide, kubambululwa alubo; kubona maumi ayo akapotene, kuba kabotu alubo. Elyo ku ndipa luzyalo! Nda kayeeya, “Oh, nduzyalo lugambya!” Mpawo kuboola ku muvwimi, wa basikaale uubaukide waansi mu zisaka, a kulibamba Mwini mu ciwa ca *fulicoongo*, oyo waamba “cipangano,” a Mulumbe Ngwa kandipa kukambauka, a kuubamba okuya mu cipangano,

cakuti Uli kunze lya Nguwo! Elyo Uyo oba kunze lya Nguwo, nkaambo walo Mulumbe ngwa Jesu Kristo a bulemu Bwakwe.

⁶⁴ Obo Mbwa kandi lekela kuunka mu nyika yoonse, kuzunguluka inyika, ku masi, ku bantu bali mamilioni, kabona bali mamilioni kababoola ku Mwami a ku Mu tambula mbuli Mufutuli wabugame, kaba bona kazuzigwa buboto Bwakwe a kusalazigwa kwiinda ku nguzu Zyakwe, kuba bona kaba ponesegwa kwiinda ku nguzu Zyakwe zipati zimaninide. Mpawo Nda konzya kulisila mbuli musinsimi, a kuti, "Takuli ku nguzu, nanka ku bukozu, pele nkkuu Muuya wa Leza." Kutali ku lwiiyo, nanka kukwiya kwabukombi, pele ku Muuya wa Leza Ula futula bantu. Ku Muuya wa Leza Ula ponya bantu. Walo Muuya wa Leza oyo uupa Mulumbe ku bantu. Walo Muuya wa Leza oyo usimpikizya Ijwi.

⁶⁵ Tuli jisi basilwiiyo lwabukombi sunu, tuli jisi Bamaiyi bazya Buleza, tuli jisi bantu bapati mu inyika yoonse, abo basongo, bapampu a bayiide. Pele citola buubauba bwa kusyoma Leza, kubamba Ijwi Lyakwe ku kanana, kutondezya kuti Jesu Kristo ngu mbobuca nguwenya, sunu, amuya myaaka. Citola moyo mubombe utuulidwe kuli Leza, kuleta Jesu Kristo kuciimo calino. Amen! Ikuti na cakatola kwiiya kwabukombi, niba kacita ba Presbyteria, Methodisti, Baptisti, Katolika, a bamwi bambi; nitwa takaba a coolwe, swebo tobantu batayiide bacete. Pele ta citoli luzibo. "Kutali ku nguzu na ku bukozu, pele Muuya Wangu," mbwaamba Leza, "Njo vungulula maseseke aya." Alimwi, "Uyo lila kuli nguwo, Luzyalo, luzyalo, a koongolola a koomoka." Obo mbo cibede sunu, luzyalo lwa Leza lugambya ku bantu Bakwe. Obo Mbwa bweza batazi kubala a kulemba, batayiide, kutondezya kuti Jesu ngu mbobuca.

⁶⁶ Cindi Na kasika, Ta kaboola kuli basilwiiyo bapati babukombi pe. Akwalo Ta kainka kuli Kayafasi, mupaizi mupati; cita biyo kupegwa mulandu kuli nguwe.

⁶⁷ Pele Wa kabweza bazeli banswi, baalumi abo bakali bacete a bakeenda buumi bwalyonse. Elyo okuya Wa kaliyubununa Mwini, a kuti, "Amundi Tobele, nkabela Njo mubamba kuba bazeli ba bantu," kutondezya kuti luzyalo Lwakwe luciselemukila ansi akwalo kuzwa kuba Juda kusika kuli Bamasi, ku kwiita bantu nkambo ka Zina Lyakwe mu mazuba aya akumamanino, mbuli mbo twa kazwaa kucilangalanga. Luzyalo lugambya, obo kumvwika kubotu!

⁶⁸ Luzyalo ndwa kale. Luzyalo ndwa kale mbuli inyika mboibede. Luzyalo lwaka saanguna kutondezegwa ku mukowa wa bantunsi cindi ni twa kajisi matalikilo aa mukowa wa bantunsi. Cindi mukowa wa bantunsi niwa kasaanguna kulengwa mu muunda wa Edeni, ku cifumo eco cakali kusiya cindi mwanakazi oyo muniini nakazabuka munkali wandaanya, alimwi na kasotoka milazyo ya Leza a koongelezya mulumi

wakwe kucita cintu nciconya, mpawo mulao waka tyolwa. I mulao weelete kuba aa cisubulo nape tauli mulao. Elyo mulao wakali wakuti, “I buzuba mbo muyoolya kuli nguwo, buzuba obo moyo fwa ncobeni.”

⁶⁹ Amuyeeye, cuuno calubeta citaanzi cakali aa nyika, alimwi cakali mu muunda wa Edeni. Elyo cuuno calubeta camamanino ciyooba aa nyika, ku ciindi cakumamanino, Cuuno Cituba cabwami.

⁷⁰ Pele cindi Jehova nakaseluka, Nda konzya kuyeyela kuti tee kwakaliko akwalo nyenyezi yakumweka, kwakali kusiya loko mu muunda oyo muniini muuba oyo wakaliko lumwi, nkaambo cibi cakauzimaazya, kagusya Mumuni kuzwa akati kabro.

⁷¹ Eelyo ndepenzi ku mambungano sunu. Eelyo ndepenzi ku bantu sunu. Cibi cakazimaazya Mumuni wa Leza muumi, ku kutondezya kuti Kristo ucili mbobuca nguwenya, sunu, amuya myaaka, alimwi Ula pona ku kufutula kuli bali kulaale, a kuponya ku bantu, baciswa baubaukide.

⁷² Oh, obo mbo cakali kuyoosya cifumo eco, mudima kaulengelela mu muunda! Nda ezeezya sikunku wazisani zisiya zyamasaka. Inga ndaezeezya itu lyonse teelya kaputa. Kwakanyina muuwo wakali kukopanya. Kwakali mudima a kuyoosya, nkaambo cibi caka zimaazya.

⁷³ Mpaawo kwakaseluka Jehova mbuli muzunzumo uvuma, keenda ku muunda, kaompolola, “Adamu, ino ulikuli?” Nce ciindi Adamu naka mvwisya kuti wa kali cinswe alimwi wakabisya kumbele lya Leza. Wa kalisia mwini a kusola kulibambilia bukombi mwini, pele tee bwaka beleka. Leza waka jaya mbelele imwi, kabweza zikutu, a kutondezya kuti cintucimwi cakeelede kufwa ku kuvumba cibi.

⁷⁴ Kusangana mbungano taku kavumbi cibi pe. Taakwe kulilekelela kutakwe misozi kuyo sola kuvumba cibi. Citola buusu a kweempwa, a luzyalo lwa Leza, kuvumba cibi; nkambo Bulowa bwa Jesu Kristo, Oyo Leza ngwa kajaya aa Kalivari, ku kuvumba cibi.

⁷⁵ Omuya mu muunda cifumo eco, cindi cibi ni cakali kusiya mbi, Jehova waka njila. Mpaawo kwakaimvvi banabukwetene Bakwe, kabapedwe mulandu. Nikwaataba limbi mukowa wa bantunsi buya, ba keelede kufwa; lufu aa mukowa wa bantunsi, kupa kujosya inyika ku munyama wa musokwe nkabelia nikwaataba mukowa wa bantunsi. Pele mu kusiya maningi oko kwa oora, mu ciindi eco bulangizi boonse nibwa kamana, luzyalo lwaka boola kalukupaika, kat, “Njo mupa Mufutuli, Mesiya.” Oh, ncigambyo nzila Leza mbwa kakonzya kusola kucicita! Luzyalo lwa Leza lugambya mu muunda wa Edeni, lwa kapa cisyomezyo ca Umwi Uululeme Oyo wakali kukonzya kuboola kwiinda mu mwanakazi. “I Lunyungu lwa mwanakazi luyo cuzaula mutwe wa muzoka,” umwi simulandu, “alimwi mutwe

wakwe uyo cuzaula kasindi kakwe,” kutondezya kuti inga kuyooba penzi ku Mbungano. Pele Wa kasyomezya kuzunda! Ncinzi cakapa Mufutuli? Luzyalo!

⁷⁶ Ncinzi ncoba kali kukonzya kutondezya kuba abweelelo bwa luzyalo? Ncinzi ncoba kali kukonzya kutondezya kucicita? I bupanduluzi bwa impi, mu cijatile, Ndi yanda biyo kucibamba kuzwa ku cikambaukilo cangu awa kubamba muzeezo wini, “kwiidilila sule.” Adamu wakati, “I mwanakazi Ngo kandipa wacicita.” I mwanakazi wakati, “I muzoka wakandi cenga.” Umwi waka cibikka ali umbi. Kwakanyina bulangizi kuli mbabo.

⁷⁷ Pele Leza wakapa luzyalo, alimwi lwakasika kuya buzwidilila! Elyo Wa kati, “Pele Njo bamba nzila, kumwi. Njo mufutula, nokubaboo. Mwaka lubizya, mwa sotoka milao Yangu. Alimwi milao Yangu yeelede kuba, pele lubeta kuzwa ku milao Yangu lweeledge kuyo citwa. Nkikaako kweeledge kuyooba lufu, nkaambo Nda kati ‘lufu.’”

⁷⁸ Lino, beenzuma Banakristo. Elyo aya mateepu ano ali mukupangwa ayo mwaigwa ku inyika yoonse. Andi mubuzye cintucimwi, nywebo nomu sola kubamba Leza kuba Baleza botatwe, na nywebo nomu sola ku Mu bamba kuba omwe, mbuli kanwe kanu. Walo ngumwi mu muntu!

⁷⁹ Inga tee calulama kuli Leza kubamba Angelo kufwa. Na takakonzya kuba musyobo ululeme wa Mubetesi a kubamba Angelo kufwida muntunsi. Nekubaboo eco ta cicisili pe, nkaambo mulao Wakwe mupati usesa lufu, alimwi cintucimwi ceelede kufwa, nkabela Angelo takonzyi kufwa. Akwalo Ta konzyi kwaamba kuti, “Eva, nkaambo wacitya Adamu kucita eeci, Njo kujaya, akuleka Adamu kupona,” nkaambo Adamu wakali sicaabilo awalo.

⁸⁰ Mbuli muntu umwi wakati, “Pilato wa kalulamikwa, wa kasanzya maanza akwe.” To konzyi kusanzya Bulowa bwa Jesu Kristo kuzwaku maanza ako. To kasiyi buyake obu cifumo cino a kuyaku Julu, ikuti na wafwida mu zibi zyako. Buli mu maanza ako. Aboobo, ta ciluleme.

⁸¹ Kwakali nzila yomwe biyo iluleme. Kuli nzila yomwe biyo ikonzya kuba, mulao mupati wa Leza, kusesa kukonzya kuzulizigwa. Wa kacita kuluswaana Mwini. Wa kacicita. Leza walo Muuya nkabela Ta konzyi kufwa. Aboobo Leza wakacita kubambwa kuba muntu, nkabela Wa kafwa mu mubili wabantu, mu ciwa ca muntu utegwa “Jesu Kristo,” alimwi oyo wakali Mesiya wakasyomezegwa oyo wakaleta luzyalo. Mpaawo mpomu bona kuti Leza a Kristo Muntu nguwenya, Leza kakkala muli Kristo. “Mebo a Taata Wangu tuli Omwe, Taata Wangu ukkala muli Ndime; kutali Ndime oyo ukanaana Ijwi, pele Taata Wangu oyo ukkala muli Ndime.” Leza muli Kristo! Nconzyo.

⁸² I luzyalo lwaka syomezegwa mu muunda wa Edeni, nkabela luzyalo lwakasika, luzyalo kuli Adamu a Eva. Taakwe kwakwinka, taakwe nzila yaku nyonena nkabela nekubaboobo luzyalo lwakabamba nzila!

⁸³ Anda ambe eci, mweenzuma sizibi. Inga konoliko cifumo cino koli muvuule, inga konoliko awa cifumo cino koli huule ly banakazi, inga konoliko awa koli mukolwi na sinjuka, a mujayi. Inga konoliko awa mbuli mulumi utasalali, mukaintu utasalali. Inga konooli sizibi wiindilide. Yebo wati, “Nda kaindilila ntaamo eyo ya lununuko.” Peepe, tona pe, nape notali mu mbungano cifumo cino. Luzyalo luyo kubambilala nzila mu oora eli lisiya ikuti na uyo lutambula. Adamu wakali libambilide kulutambula, ayebo mbubonya. Kolu tambula.

⁸⁴ I luzyalo lwa Leza lwakasika mu ciindi ca Nowa. Nowa, muntu buyo, walo a mukwasyi wakwe. Pele nkaambo Nowa waka yoowa Leza, wa kasyoma Leza! To konzyi kuyoowa Leza kakutakwe kusyoma. Mbobuti mbo konzya kuyoowa cintucimwi nco tasyomi? We elede kuyoowa Leza. Solomoni wakati, “I kuyoowa Leza matalikilo aa busongo.” Lino, kuyoowa buyo Leza, watalika kuba a busongo. Alimwi kuyoowa Leza, Nowa waka yoowa Mwami alimwi wa kasyoma Mwami. Elyo nce cintu Leza ncalemeka, ndusyomo lwako muli Nguwe. Mbo mbubo. Mpawo cindi kuyoowa Leza nikwa kasika ali Nowa, Leza waka mwiita ku luzyalo, a kumu futula a ng’anda yakwe nkaambo lwakali luzyalo lwa kacicita. Kutali kaambo kakuti Nowa wakali muntru mubotu loko mupati ncobeni kwiinda bamwi babo, kutali kaambo kakuti Nowa wakainka ku mbungano mbotu kwiinda yakali mu cisi, kutali kaambo kakuti wa kali kuzulilwa mu kabunga kainda, kutali kaambo kakuti wa kali kukonzya kusama kwiinda, kutali kaambo kakuti wa kajisi mali manji, kutali kaambo kakuti wakali muntru umwi musalesale. Pele nkaambo ka luzyalo lwa Leza, Leza wakafutula Nowa. Luzyalo lwaka futula Nowa (kutali milimo yakwe; pele luzyalo Lwakwe) alimwi akwalo wakafutula mukwasyi wakwe.

⁸⁵ Tula ita syakacite umbi oko luzyalo lwa Leza nko lwaka yungizigwa, bunji bwabo, tuyu kanana basyoonto buyo. Abrahamu. Abrahamu, katali muntru musalesale, wakaselemuka kuzwa ku ngazi ya Babelo, antela wakazwa ku nkamu ya basimituni (ba wisi), kaselemukila mu nyika ya Shinar kumusanza okuya, kuyo kkala mu munzi wa Ur. Elyo kucindi nakali okuya, Leza wakakanana kuli nguwe ku luzyalo. Kutali kaambo kakuti wakali andeene, kutali kaambo kakuti wa kali muntru mubotu maningi; pele, ku luzyalo, Leza waka mwiita. I Bbaibbele lila yubununa eco antangalala. Oh, Abrahamu, obo Abrahamu mbwa kasoleka lukakatilo lwa Leza! Ka mwaambila, kati, “Abrahamu, kkala mu nyika eyi, uutazwi muli njiyo.” Pele pamba mbo lyakasikila buyo, Abrahamu waka tija.

⁸⁶ Abrahamu wakakanana ndiswe. Leza wakabweza—Leza wakabweza Abrahamu ku luzyalo, a kumu futula. Alimwi nje nzila Nja kubweza, ku luzyalo. Alimwi mbobuti mbo tusoleka lukakatilo Lwakwe? Sunu tuli kabotu, juunza twa umbaala. Buzuba bumwi twa syoma, buzuba butobelwa tula tuntulika. Sunu tuli Methodisti, juunza tuli Baptisti. Sunu tusyoma mu kuponesegwa kwa Buleza, juunza kucisa mwida kwasika alimwi ta tuzi naa tula cisyoma na pe. Pele nekubaboobo akati ka zyoonse ezyo, Leza uyanda kuti tu kkalilile. Pele Ula tufutula, nekuba. Ikuti ni lwatakali luzyalo lwa Leza, ni twali nyonyookede toonse. Masimpe. Leza ula tufutula ku luzyalo Lwakwe.

⁸⁷ Abrahamu wakeelede kukkala mu nyika eyo, pele wa kaselemukila mu bana Chaldea, na, kutali bana Chaldea, pele ba Filisiti. Kaselemukila okuya kuyo endeenda, kuzwa ku pamba. Zintu zyakali ziyumu aniini mu cisi cakwe, aboobo waka selemukila okuya kuunka okuya a mbabo. Kacita nciconya eco Leza ncata kamwaambila kucita, pele nekubaboobo luzyalo lwa Leza lwakalibonya kuli nguwe, kakasya Farao kuzwa ku...na i—na mwaami kuta bweza mukaintu wakwe. Luzyalo lwa Leza. Cindi Abrahamu nakati, “Walo mucizi wangu,” kabeja kujatikizya ncico, pele nekubaboobo luzyalo lwa Leza lwaka mujatilila nkaambo wa keempwa. Wa kali libambilide kweempwa.

⁸⁸ Elyo kufumbwa muntu ulibambilide kweempwa, luzyalo lwa Leza lucinka kuli nduwe. I luzyalo lwa Leza luyandaula nduwe. Aboobo, olo lutobela ndinywe basikuwa cifumo cino, luzyalo lwa Leza luci muyandaula. Ikuti na muyo empwa buyo, luzyalo lwa Leza ndunji.

⁸⁹ Obo Mbwa kabweza Abrahamu mudaala mubotu, ka mupilusya! Elyo amuyeeye, Abrahamu ta kafutulwa kwiinda ku milimo yakwe, wa kafutulwa ku luzyalo. Abrahamu waka futulwa ku lusyomo, luli nduzyalo. Alimwi Leza waka futula Abrahamu nkaambo ka luzyalo Lakwe, kutali kaambo kakulilemeka kwakwe. Wa kamu futula nkaambo ka luzyalo Lwakwe. Oh, obo mbocili cibotu! Wa kafutulwa ku luzyalo.

⁹⁰ Atu bweze Israyeli. Ndi jisi Lugwalo lulembedwe awa. Nda lulemba alimwi Nda konzya buyo kutondeka kuli ndulo mu mizeezo yangu. Ikuti na muyanda kululemba, olu luyooba lubotu kukuyeeya ikuti na mula yanda, Deutronomo 7:7. Leza wakapa Abrahamu cisymezyo Cakwe, na taakapa Abrahamu, mundi jatile, kapa Israyeli. Elyo waka baambila, “Ikuti na muyo litantamuna ku kukomba mituni! Ikuti na muyo cita zintu ezi! Ikuti na muyo tantamuka ku mapobwe oonse aya abuhedeni! Ikuti na muyo cita zintu ezi zyoonse, mpawo Njo muleta ku nyika mbotu, Njo mu mamela, Njo musanina, Njo musololela. Njo cita zintu ezi ikuti na muyo cita ceeci-a-ceeci, ikuti na muyo Ndi yanda, ikuti na muyo bamba Milao Yangu, mbeta Zyangu,

Malailile Angu. Njo cita zintu ezi zyoonse ikuti na muyo cita buyo cintucimwi, a kubamba Milao Yangu a ku Ndi yanda.”

⁹¹ Mbubonya mbuli mulumi kabweza mukaintu, a kwaamba, “Ikuti na uyooba mukaintu uli kabotu, ikuti na uyo mamela ng’anda, ikuti na uyo syomeka kuli ndime, ikuti na uyo sanzya zisani zyangu; ikuti na tu jisi bana, ikuti na uyooba mutumbu kuli mbabo; ikuti na uyo cita zintu, Njo beleka kusikila maanza angu akazwe bulowa, kukubambilila buponi, ikuti na uyo cicita.” Pele mpawo, amuyeeye, ino kuti mwanakazi oyo wasanduka kuba mubi, upona cabutolo, utayandi kubeleka, uta yandi kucita cintu? Mpawo citola luzyalo kubamba mukwasyi oyo kuba antoomwe.

⁹² O Leza! Cakatola luzyalo lwa Jehova kubamba mukwasyi Wakwe antoomwe. Alimwi nje nzila ilikke mbotuli mukwasyi wa Jehova sunu, nkaambo ka luzyalo lwa Jesu Kristo; nitwali nyonyookede toonse. Pele nduzyalo, oh, luzyalo!

⁹³ Lino, pele tii ba kaubamba. Pele bakali, teeба kasika ku cisyomezyo cizwide; kutali ku nzyalani eyo. Peepe, kuli baabo cisyomezyo nko cakabambilwa, kaloba mu nkanda. Pele Leza waka basanina, Leza waka bamamela, Leza waka bayanda, Wa keenda koonse. Nkaambonzi? Luzyalo Lwakwe lwaka cicita, luzyalo Lwakwe nkaambo ka cisyomezyo Cakwe, cisyomezyo Cakwe mpawo, luzyalo olo lwakeenda a cisyomezyo Cakwe. Pele tee bakasika ku coolwe cizwide ca nyika ya cisyomezyo.

⁹⁴ Ayalo mbungano taisikide ku coolwe cayo cizwide. I luzyalo lwa Leza lula tujatilila. Pele Uya ndisyia kujana mbungano iyo Mu swiilila, bantu bayo bweza Ijwi Lyakwe a kwaamba kuti “Ndyo Bwini,” kakutakwe kulanganya kabunga kanu. Walo uyanda bantu ba takaambi kuti, “Ee, Ndili kabotu buyo mbuli mbobede. Ndili muna Presbyteria, Ndili muna Methodisti, Ndili muna Katolika, Ndili kabotu buyo mbuli mbobede.” Olo taluli luzyalo pe; eco citondezya kuti kuli cintucimwi cilubide.

⁹⁵ Pele muntu, kakutakwe kulanganya, uyobala Ijwi lya Leza a kubona kuti weelede kuzyalululwa a kuzuzigwa Muuya Uusalala, bayo syoma ceeco, bayo cibweza ku Ijwi. Bayo bweza Ijwi mbubonya mbo Ly a amba.

⁹⁶ Mbuli mu lubbizyo a kusansaila; ilubbizyo luli kabotu. Taakwe muntu mu Bbaibbele waka sola kusansailwa, kwiina cintu cili boobo mu Lugwalo. Akwalo taakwe umwi wakasola kubbizigwa mu Zina lya “Taata, Mwana, Muuya Uusalala,” mu Bbaibbele. Ba ka, umwi aumwi, kabbizigwa mu Zina lya Jesu Kristo. Aboobo kwiina omwe, taakwe nokaba kabeela komwe ka makani akale ka... Ikuti na umwi wakonzya kutondezya ali oonse, ali oonse mu makani akale, awo kufumbwa muntu waka sola kubbizigwa mu Bbaibbele, na myaka ili myaanda yotatwe kwiinde lufu *lwa* sikwiya wamamanino, kusikila mbungano ya Katolika, ikuti na muntu uli oonse ukonzya kutondezya amwi

muntu uli onse mpa kasola kusansailwa na kubbizigwa mu zina lya “Taata, Mwana, Muuya Uusalala,” kusikila mbungano ya Katolika, uli sinikizidwe kuboola ku ndaambila. Ta ciko pe. Pele ncinzi nco tucita?

⁹⁷ Twa kalangalanga *I Makkalo Aa Mbungano* a kubona awo mpo bakacita ceeço. Aboobo, nywebo mwabona, Leza uyanda muntuumwi uyo Mu swilila. Ikuti na ta cili mu Malembe, nkokuti tali muntu... ni njiisyo yakabambwa aabantu a kutali Njiisyo ya Bbaibbele. Mwabona? Aboobo kakutakwe kulanganya obo mbungano mboibede, obo mbo mwaka lubila, ino eco cibamba lwaandaano nzi? Ni nzila ya mbo konzya kululama lino! Luzyalo lwa Leza lwa kutondezya kuli nduwe, mpawo koenda muli ndulo. Luzyalo lwa Leza!

⁹⁸ Amuyeyeye Musa, awalo, oyo musololi mupati. Leza naka mujaya cindi na kaunka kumusanza kuyo lilemya mwini kwiinda ku kuuma Mwaala oyo, a kuti, “Amu bone Nce konzya kucita?” mu majwi ambi. “Nywebo basikupapila, twe elede kumu janina maanzi kuzwa ku Mwaala oyu?” Elyo waka Uuma nkabela meenda taakazwa pe; wa ka Uuma alubo. Ncinzi nca kacita? Wa kalungulula bukompami bwa—bwa Kristo, nkaambo Kristo wakali Mwaala oyo. Eelyo nde Bbwelyampela. Mu busena bwaku lyuuma, na kukanana kuli ndilyo...

⁹⁹ Lya kaumwa ciindi comwe. Amuyeyeye, Leza wakaambila Musa omuya mu Kulonga, “Koya nkabela Njo oima kumbele—kumbele lyako, aatala lya Mwaala, a kuuma Mwaala.” Elyo wa kauma Mwaala nkabela Wa kazwa meenda. Leza wakati, “I ciindi citobela, koya kakanane ku Mwaala nkabela Uyo leta maanzi a Nguwo.”

¹⁰⁰ Pele Musa wakali kuyanda kutondezya kuti wa kajisi bwami buniini, nguzu ziniini, aboobo wakati, “Ndila muletela maanzi kuzwa ku Mwaala oyu.” Leza na kamujaya, nkambo ka ncico. Leza na kamu pambula, mukuti wa katyola mulao wa Leza mpoonya alya, nkaambo wa kakanana bukompami bwa Kristo, Wa keelela kuumwa ciindi cabili. Kristo wakaumwa lomwe biyo. Lino tu kanana ku Mwaala, nkabela Ula leta meenda a Nguwo.

¹⁰¹ Pele cakali cinzi? Atu lange mudaala, ujisi mwaanda a makumi obilo.

¹⁰² Muntu umwi wakati kuli ndime kutali cindi cilamfu cainda, kati, “Leza ngu Leza uutaluleme,” kati, “nkaambo Wa kalekelezya Musa. Kumane kuti wa kapengaana aba Hebrayo kwa myaka ili makumi one mu nkanda omuya, aku mulekelezya alimwi mpawo tako mulekela akwalo kunjila mu nyika ya cisymezyo.”

¹⁰³ Nda kati, “Oh, bufuba!” Peepe, Ta kalekelezya Musa pe. Wa kainka ku nyika ya cisymezyo. Kutandila myaka ili myaanda ya ciloba yakainda, wa kabonwa atala lyampela lya Mulundu Wakusanduka, kali muumi mbuli mbwa kabede

lyoonse, kaimvwi, akwaambaula kuli Jesu Ka tana inka ku Kalivari, walo a Eliya, kabaimvwi antoomwe, kabaambaula, abalo. Musa a Eliya bakabonekela kuli Jesu, Petro, Jakobo a Johane, aa Mulundu Wakusanduka. Ta kafwide pe. Wa kali muumi. Leza taka mulekelezya pe. Wa kali mu Palestine.

¹⁰⁴ Lino amulange, katana kufwa, wa katanta aatala lya Cilundu ca Nebo, cifumo eco cindi na kaziba kuti wakali sikuunka. Wa kasamununa Aaroni, a kusamika umbi zisani. Katola cikobela cakwe cini, kasamika Joshua, kamu lailila kukkala ayalo milazyo! Elyo cindi na katanta atala lya Cilundu ca Nebo, kainda mu kkuti lya nkwaalale, mukuziba kuti wa kali kuyoofwa okuya, alimwi wakatanta atala lya Cilundu ca Nebo, alimwi atala ku Pisiga. Elyo kuciindi na kaimvwi atala awo, Leza wakati, "Langa omuya mu nyika. Ndi yanda kuti wiibone. Musa, noka konzya kwiinka mutala omuya. Pele ulizi na eco neco kacita kunselelo okuya ku Mwaala buzuba obuya? Wa kalilemya omwini." Ndi yeeya kuti mbombubo mboliyooba penzi pati kuli ndiswe tobantu banji sunu. "Koya kunselelo ku Mwaala, nkabela walilemya omwini." Pele amubone cindi na kalibambilila kufwa, mpaawo kwakaimvwi Mwaala. Kweelede kuti wakatanta ncobeni atala lya Mwaala okuya ku Pisiga, nkabela Leza waka muzikka. Pele kweelede kuti wa kabuka alubo, kumwi, nkaambo wa kali muumi. Wa kali cikozyanyo ca Kristo. Ngooyo mbwa kabede, kaimvwi aa Mulundu Wakusanduka, myaanda ya myaka niya kainda, omuya mu Palestine. Mwabona, luzyalo lwa Leza lwakapa Mwaala. Oh, ma!

¹⁰⁵ Cindi Nda yeeya Abrahamu, bulubizi boonse mbwa kacita, a Musa a bulubizi bwakwe, pele cindi bupaduluzi bwabuumi bwa Abrahamu nibwa kalembwa, cindi bupanduluzi bwa Buleza ibwabuumi nibwa kalembwa, cindi Paulo nakalemba bupanduluzi bwabuumi ibwa Abrahamu, taakwe na kaamba cintu comwe kujatikizya kutasyoma kwa Abrahamu. Peepe, peepe, kwiina nibwa kabalwa akwalo kuli nguwe. Wa kati, "Abrahamu takazungaana aa cisymezyo ca Leza kwiinda mu kutasyoma, pele wakali muyumu, kalumbaizya Leza."

¹⁰⁶ Mupailo wangu mubombe ngwakuti, kumbele lya luzyalo lwa Leza luli waano cifumo cino, Nda syoma bwangu bukalembwe boobo, cakuti Ta kaboni bulubizi bwangu. Cakuti cindi bupanduluzi bwangu bwabuumi bwakulembwa, bulunguluzi bwangu kwaakumana kufwa, kuteeti tabukabalwi kuti Nda kalubizya a kucita cilubide, pele Uyo bona biyo zintu ezyo Nze kasola ku Mu citila. Akube kuti zikabe buyo... Ino cicitanzi eco? Uyo bweza luzyalo lwa Leza Ndwe syomenamo. Elyo awo Mpe syomena luzutu. Nkambo aa bweelelo bwangu bwini Ndi konzya buyo kunjila mukati mbuli bamwi, pele aa luzyalo lwa Leza Mpe yaamina. Iiyi, mpa luzyalo Mpe yaamina.

¹⁰⁷ Kwakali Mwaala okuya cindi Musa nakali kulibambilila kufwa.

¹⁰⁸ Ncinzi nco tukonzya kwaamba a Davida? I luzyalo lwa Leza! Oyo silumamba mupati kuli Leza Mwini...Wa kat, "Walo muntu uyandwa ku moyo Wangu Wini." Oyo silumamba mupati, Davida, mbobuti mbwa konzya kucita cintu cili boobo mbuli nca kacita, kubweza Uria, simpi wakwe, kakuli wa kali jisi basyoonto Bamasi akuya mbuli basilumamba? Amuswilile kabotu ku kaano aka kaniini asyoonto buyo. Kakuli bakali jisi basilumamba babo okuya, alimwi Uria wakali umwi wakaima munsi lya Davida. Uria wakali musanduki, wa kali muhiti, musanduki ku bukombi bwaba Juda. Elyo balo baalumi bakali kumuyanda loko Davida! Ba kabona kuti bunanike bwakali ali nguwe, nekubakuti wa kali ii—wa kali muloboki. Wa katandwa kuzwa ku cisi cakwe cini, kacita kukkala antoomwe aba Filisiti. Saulo wakali kumuvwima. Pele nekubaboobo bantu abo, ba kabona bunanike ali nguwe! Ba kalizi kuti wakali kuboola mu bulelo. Bulemu kuli Leza!

¹⁰⁹ Ndili kkomene loko kuba muloboki sunu, nkaambo Nda bona kuti Kristo ulimu kuboola kuba Mwaami. Inga mwasala ba Kennedy boonse a bamwi bambi mbo tuyanda. Pele Kristo uyooba Mwaami! I bunanike buli ali Nguwe, aa Mulumbe Wakwe wa Kuboola Kwakwe. Elyo Uyo oba Mwaami!

¹¹⁰ Ncinzi ncoba kacita? Buzuba bumwi waka liimvvi atala alya kafwanyota ya maanzi akunywa kuzwa ku mulyango okuya ku Betelehemu, oko nkawali kwiinka kuyo embela mbelele. Elyo mulizi cintu na? Baalumi abo bobilo bakabweza mapanga a kudabula mu bantunsi kwa mamaile ali kkumi aosanwe, ku kumujanina bbakete lya maanzi. Nkaambo, baa, kuyandisa kwakwe kwamamanino wakali mulao kuli mbabo. Amuyeeye eco! Elyo ba kadabula mu bantu abo, lweendo loonse kusika atala lya mulundu oyo oko nko bakaamba kuti wa kaliimvvi, inga atandila kuba mamaile ali kkumi aosanwe. Ba kainka kwiinda omuya. Elyo muntu aumwi wakabuka, bakali kunga balwanisa anguwe kusikila bamujaya. Kazumanana kudabula! Elyo ba kabweza bbakete eli a kuteka bbakete lya maanzi, moonya mu mundando wa basinkondo, baalumi bobilo, kusisya ku mwaami wabo, munyina wabo, cakunywa ca maanzi. Kakuli, wa kajisi maanzi kutala okuya akunywa, pele wa kali kuyanda ayo maanzi.

¹¹¹ O Leza, ndilekele kubweza Panga lya Ijwi a kudabula mu kabunga koonse, ku kuleta lubbizo mu Zina lya Jesu Kristo, a Nguzu zya bubuke a Muuya Uusalala, kupilukila ku bantu, kakutakwe kulanganya...nkaambo Ula boola mu bulelo. Ula boola mu bulelo, Uyo ima alikke. Pele Lila dabula kwiinda mu kabunga aamwi, kudabula kwiinda mu lwiiyo loonse lwabukombi, kayanza akamwi kakapangwa aabantu, kusikila wa josezya Mufutuli mbelele ezyo zyaka sweeka, muntuumwi, kujosya Njiisyø ya Bbaibbele alubo, ya Jesu Kristo mbobuca nguwenya, sunu, amuya myaaka. I luzyalo lwa Leza!

¹¹² Amulange Davida. Mbobuti mbwa kali kukonzya kucita... Umwi waka sotokela mu dindi a kujaya mulavu. Mbobuti Davida mbwa kali kukonzya kubweza mukaintu wa Uria, muna Betisheba mubotu, kakuli wa kajisi bali myaanda yosanwe bakwe beni? Pele waka mubona kasamba. Alimwi kwakali kuta bikkila maanu. Lino, waa kaluba kulosya zivumbilizyo cindi nakali kusamba, alimwi wakalizi kuti mwaami wakabamba lweendo kuya okuya, kwiinda kokuya, abumwi buzuba, kuselemukila ku bulambo obo.

¹¹³ Eelyo ndepenzi. Ta ndisyomi kuti banakazi sunu taba bikkili maanu maningi na maningi, ee, baunka buyo kumasena kabali cinswe, kwa mana, mu tugwagwa, zisani ziniini zisamidwe. Alo mause! Elyo mpawo kugambwa kaambo baalumi ncoba lizya a kusibila. Baa, ba cita boobo kuba bamba kusiba akuzumanana. Ba lizi obo, bali jisi kuyeeya kwini ku ziba ceeco. Bala cicita kukaambo buyo kakuti bala yanda. Cili mu moyo wabo. Wa baambila kuti mbasibwaamu, inga bakazya eco. Pele inga kaba tali basibwaamu, inga kaba njoloma mbuli mpana, cindi caboola kunkwela. Pele, amuyeeye, kuli muuya aali mbabo, obo bunanike bwa dyabulosi, butola buntu bwa mwaalumi ku gehena. Amuyeeye, Bbaibble lyakati, "Kufumbwa muntu uulanga mwanakazi, caku musukama, wacita kale bumambi mu moyo wakwe." Elyo yeeya, mucizi, uyo peda bwiinguzi bwa kucita bumambi nekubakuti tokaacita mubwini mu buumi bwako boonse, pele oyo sizibi waka kulanga mu nzila njo kasamide, kuba a mulandu wa mamambi. Uyo peda bwiinguzi ku Buzuba bwa Lubeta, ku kucita mamambi. Cindi na elede kwaamba...

¹¹⁴ Wa amba awa, Wa kalemba mu Bbuku Lyakwe, "Kucita bumambi."

"A ni?"

"Muka. John Doe."

"Mpawo, Muka. John Doe, ino kujatikizya ceeco?"

¹¹⁵ "Nda konkezya Nda... Uli zyi bulunguluzi bwangu, Ta ndina pona a mwaalumi umbi pele mulumi wangu wini."

¹¹⁶ "Pele waka lisamika omwini kusikila wa kacitya mwaalumi oyu kucita mamambi. Elyo ujisi mulandu wa mamambi a nguwe. Eco ncecindi na kacicita. Ndo nduwe mubi, wakali nduwe waka kalitondezya lwako."

¹¹⁷ Betisheba waka lubizya mbubonya mbuli Eva mbwa kalubizya, pele Adamu waa sanganisigwa muli ncico. Ndi yeeya kuti lyoonse toongolweda makani a banakazi, aswebo. Nywebo no bana ba Leza, baalumi. Ndi lizyi muli cikama ciyumu maningi, mbo mbubo, nkwela njumu loko. Mule endeleyza banakazi, obo mbwini, mbubonya mbo mulilemeka muli njiyo. Muta bazundi pe, kusola kubweza musimbi muniini umwi a kunyonyoona buumi bwakwe. Pele koba mwana wa Leza, ko

mwaambila kuti uli lubide, nkabela koima mbuli mwana wa Leza. Walo mucizi wako. Iiyi, munene. Cintu nco tusola kucita, abo bategwa mbana ba Leza sunu, bazulilwa ku mambungano, kubweza musimbi aumwi kubusena ngoba konzya. Amuyeeye, nkaambo kakuti kuli mwanakazi mwaamu ndiza nkambo mwaalumi ukwete waka munyonyoona, awalo. Aboobo, mupika taukonzyi kwiita nketulo kuti ilasiya, aboobo amuyeeye buyo. Ncibi eco cicita coonse. Elyo toonse tuli muciamo cakufwa, alimwi kweelela ku cifwida.

¹¹⁸ Cindi Davida nakacita cintu eco cibi, lubeta lwakwe lwini lwakeelede kumujoya. Cindi oyo musinsimi nakasika okuya, wa kali kuyeyya kuti cakali sisidwe. Cindi oyo musinsimi nakasika okuya a kwiima kumbele lyakwe, wa kati, “Davida, sa zintuzyonse zyeenda kabotu?”

Kati, “Zintuzyonse zili kabotu.”

¹¹⁹ Davida, mu zikobela zyakwe zyabulemu a musinyi wakwe mupati, alimwi wa kajisi Joabu kubusena obuya, silutwe wakwe mupati, a kulwana koonse kakucitika. Wa kali kutantamuna basinkondo boonse ku minyinza a zintu, zintuzyonse zyakali kweenda kabotu. Wa kajisi muvwanda kwinda kuli oyu Betisheba. Elyo Uria munini mucete wakaunka okuya, alimwi waka jisi Joabu kwiima ku lubazu lwakwe, kusikila wa kazwa kuli nguwe. Elyo—elyo—elyo musankwa wakafwa cindi zuba nilya kabbila, kajisi cifulo ca nkondo mujanza lyakwe, bulowa aa ntobo yakwe, oko nkwa kaiminina Israyeli, nekubakuti wakali musanduki ku bukombi bwabo. Mpawo cindi Joabu nakajoka a ku mwaambila kuti—kuti Davida wafwa...kuti—kuti Uria wafwa, Davida wakayeyya, “Zintuzyonse zyalulama lino. Nda bweza mukaintu wakwe, a zintuzyonse ziyooba kabotu. Kaba a muvwanda oyo wakaciswa. I muvwanda waka talika kufwa. Elyo wa kacita zintuzyonse nzya kali kukonzya kuvuna buumi bwa muvwanda, antela madokotela oonse akasika. Taakwe cakagwasya. Kumalekelo, muvwanda wakafwa. Ba kayoowa kwaambila Davida kuti muvwanda wakafwa. Elyo wa kafwa. Mpawo wa kayeeya kuti zintuzyonse zyakali sisidwe. Aboobo wa kaumbulizya Betisheba. Wa kali mubwezede kale kuba mukaintu wakwe, kumane bambi bamakaintu abo boonse.

¹²⁰ Oyu musinsimi mudaala, mulombwana mudaala walubala wakadiimene, Natani mudaala, kuzwa mu nkanda, wakkala acuuno, kati, “Davida, zintuzyonse zyeenda buti?”

¹²¹ Kati, “Kabotu! Kabotu! Musinsimi wa Leza mudaala, pona kwalyonse! Aleluya!” Oh, wa kali buyo...Wa kayeeya kuti zintuzyonse zyakali kabotu, wa kayeeya kuti wakali kukonzya kucisia.

¹²² Pele tokonzyi kusisa kuli Leza! Walo ulizi eco nco yeeya ndyoonya lino. Walo ulizi miyeeyo yako, nkambo Ngu Leza. Oyo

Muuya Uusalala uli mu buyake cifumo cino, ulizi miyeeyo yako, kuti nduweni, a nkozwa, a nco kacita, nkambo Jesu Kristo ngu mbobuca nguwenya, sunu, amuya myaaka.

¹²³ Leza waka ciyubununa ku musinsimi oyo. Wa kati, "Davida, kwakali muntu muvubi waali kupona aa lubazu *olu* lwa mugwagwa, wa kajisi mbelele zinji loko, oh, wa kali vubide maningi. Ii mwaalumi wakali kupona aa lubazu *olu* lwa mugwagwa, wakali mucete, wa ka jisi kabelele komwe. Wa kali kukalanganya mbuli mwana musimbi. Wa kali kukasanizya conco nguwenya ngwa kali kulisy. Wa kali kulala a kabelele. Zintuzyonse zyakali buyo...Kakali buyo mbuli mwana musimbi kuli nguwe. Elyo buzuba bumwi mweenzu wakasika, aboobo, mu busena bwakuti muntu muvubi abweze imwi ya mbelele zyakwe a kupanga pobwe lya mweenzu, ee, mu busena bwa ceeco, wa kaunka okuya a kubweza kabelele ka muntu mucete, a kunyanga, kabweza kabelele a kukajaya, a kupanga pobwe."

¹²⁴ Lino, oko kwakali kuyandisa kwanguzu ikwa Davida. Wa kali jisi bamakaintu bali myaanda yosanwe, pele cindi na kabona mukaintu wa Uriya, mu busena bwa kubweza omwe wa bamakaintu bakwe bali myaanda yosanwe, kutontozya na kukkutyu kuyanda kwakwe, wa kaunka, kabweza oyu mukaintu wa mwaalumi umbi, mpawo wakajaya Uriya cindi nakaba mutumbu. Davida ta kazi eco nea kali kucita, baa, Davida wakali libambilide kukosola lubeta. Eyo nje nzila mbo tubede. Tula konzya lyoonse kubeteka mulombwana umbi, pele caboola kuli ndiswe, oh, eco cilandeene.

¹²⁵ Davida wakati, "I mwaalumi uyobbadela kubelesya buumi bwakwe."

¹²⁶ Oyo musinsimi mudaala, alo meso akasumana. Wa kati, "Davida, ncobeni toka fwi!" Amulangilile luzyalo awo kalwiinka kukubeleka cakufwambaana ncobeni. I Muuya wakauma musinsimi, kavuna buumi bwa Davida. Luzyalo, "Ncobeni toka fwi pe, pele panga tali kazwi mu ng'anda yako kusikila kukasalazigwe moyo wako cakumaninina. Nkambo, uli muntu oyo muvubi." Oh, caka cinca mpawo, embo na?

¹²⁷ Ncinzi cakavuna Davida, cindi lubeta lwakwe lwini nilwakati, "I mwaalumi uyoofwa! Uyo bbadelela kugolelwa, alimwi uyo cibbadelela kubelesya buumi bwakwe"?

¹²⁸ Elyo musinsimi wakati, "Ncobeni (luzyalo) toka fwi. Toka fwi, Davida. Luzyalo lwa kufutula." Lwakali luzyalo, kuli Davida, lwa kamu futula. Oh, ma!

¹²⁹ Ikuti nikwaatali ku luzyalo, nekunga toonse tuli kuli? Sa mbo mbubo? Nconzyo.

¹³⁰ Luzyalo lupatikampatila luzwa kuli Umwi mupatikampatila. Luzyalo lupatikampatila kuzwa kuli Umwi mupatikampatila. Lupatikampatila, inga lwa citanzi?

Lupatikampatila inga lwacita kufumbwa cintu nco luyanda. Amuswilile kuli eci lino. Luzyalo lupatikampatila lukonzya buyo kupegwa kwiinda kuli Umwi oyo mupatikampatila. Alimwi Leza Mupatikampatila, aboobo Ula konzya kupa luzyalo lupatikampatila. Nkikaako mukuba Lupatikampatila, luzyalo talweelede kubuzya uli onse, ta lweelede kucita. Lula cita eco nco luyanda. Sa eco tacili cibotuloko? Ta lweelede kubuzya kuti, “Inga Nda cita eci na? Na, sa Ndi cite eci? Nda konzya Na? Nde elede Na? Nka cite Na?” Talu cicit. Lula licitila lwini. Luzyalo lwalo Ndupatikampatila, nkikaako Ula konzya kufutula mubi maningi, Ula konzya kufutula mubyabi loko, Ula konzya kufutula musofwi loko, Ula konzya kufutula muvuule maningi, Ula konzya kuponya mulwazi maningi. Aleluya!

¹³¹ Ula konzya kufutula mupenzi mbuli ndime. Alimwi Wa kacicita. Ino ncinzi? Luzyalo! William Branham, mwana wa mukolwi. Eco tacibambi lwandaano luli loonse, luzyalo lwa Leza lwaka ndifutula!

¹³² “Mebo, Ndili mwana musimbi wa mwanakazi oyo watakali kabotu.” Tacibambi lwaandaano luli loonse, luzyalo lwa Leza lwaka kufutula. Lwalo Ndupatikampatila, ta lweelede kubuzya umwi ku cintu. Amen! Ndili kkomene loko kuli ceeco. Aleluya!

¹³³ Lulakonzya kubweza sizibi wiindide maningi a kumubamba kutuba mbuli caanda, talweelede kubuzya uli onse kujatikizya ncico. Oh, Lu lakonzya kucicita nkaambo Lwalo Ndupatikampatila. Amuswilile, cakufwambaana lino.

¹³⁴ Eco caka tondezegwa aa ciingano, cindi ni kwakali mubbi wakaindide maningi, wa keelede kufwa. Leza takalina boola mu mizeeo yakwe. Taakwe nakayeyea cintu ca Ndulo. Alya a ciingano, cindi kwiinda ku milomo eyo izwa bulowa maningi, akati ka kutongela mpaawo kwakaboola kumvwika, “Mwami, koba siluse kuli ndime!”

¹³⁵ Elyo mpaawo kwakasika Umwi umbi kunze kwiinda mu Bulowa, misozi, kucisa kupati, luzyalo lwa kajata a kwaamba, “Sunu uyooba a Ndime mu Paradaiso.” Luzyalo lwakacita ceeco. Mbobuti mubbi oyo mbwa konzya kuligwasya mwini? Awalo Adamu takakonzya kuligwasya mwini, awalo Eva takakonzya kuligwasya mwini, ayebo tokonzyi kuligwasya omwini, amebo Nse konzyi kuligwasya lwangu, akwalo ta tukonzyi kuli sotosya mujulu mu Kkondo Lituba mbuli Mukupa kubelesya mabbanti esu aa majombo. Ta tukonzyi kucicita. Pele luzyalo lwa Leza inga lwacita cintucimwi kujatikizya ncico, alimwi lula cicita! I luzyalo lwa Leza, bupatikampatila bwa luzyalo lwa Leza, kasika ku mubbi oyo wakali kufwa, “Sunu uyooba a Ndime mu Paradaiso.” Oh, amu ciyeeye! Eco ncibotuloko.

¹³⁶ Amu ciyeeye: Luyandisyo a luzyalo mbacizi, mbacizi bamayanga. To konzyi kuba a luzyalo kakutakwe luyandisyo. Balo mbacizi bamayanga. Mbombubo ncobeni. Kotana kuba a

luzyalo, weelete kuba a luyandisyo. Kotana konzya kutondezya ncobeni luse ku muntuumwi, ko bayanda; baluleme na balubide, weelete kubayanda, nekuba, nape to konzyi. Mwabona? Aboobo luyandisyo a luzyalo ncintu comwe. Balo mbacizi ncobeni bamayanga, kwa mana, luyandisyo a luzyalo. Ba, twa kali... Ta tukonzyi kubona lumwi kakutakwe lumwi lumbi. "Leza mbwa kayandisya inyika, wakapa Mwana Wakwe simuzyalwa alikke," Wa katila luzyalo Lwakwe, aku luleta mu myoyo yesu kwiinda mu Muuya Uusalala. Mwabona? Kunyina nco konzya kucita kakutakwe kubeleka lumwi antoomwe a lumbi. Luzyalo, luzyalo lwa Leza ncicintu citu futula.

¹³⁷ Lino tu jana, kuti luzyalo, okuya mbuli mubbi oyo wakali kufwa, ta cigambyi kwakananika sikuyabila cindi niba kalubona. Umwi sikuyabila wakati:

Oyo mubbi wakali kufwa wakabotelwa kubona
Kasensa aka mu buzuba bwakwe;
Kuti ndiza Mebo, nekubakuti ndili mubi mbuli
nguwe,
Sanzya zibi zyangu zyoonse.

Kuzwida ciindi Ne kabona kalonga aka
Ziyaso Zyako zisweka zyakapa,
Luyandisyo lwalununuko lwakali ciiyo cangu,
Elyo luyooba mane Nka fwe.

Mpawo mu nyimbo, mbotu yabulemu,
Njo imba nguzu Zyako zifutula,
Cindi mulaka oyu utakweankouya, umamauka
kusiba
Ukalale zii mu cuumbwe.

Luzyalo, luzyalo lugambya! Aleluya! Umwi waka lulemba:

Oh, luyandisyo lwa Leza, obo mbo luvubide a
kunjoloma!
Obo mbolu tapimiki a lwanguzu!
Luyo kkalilila kwalyonse,
Lwiimbo lwa basalali a baangelo.

Ikuti na ka tujisi inki uuzuzya lwizi,
Alimwi milengalenga yakapangwa kuba
cilembelo;
Alimwi cikuba coonse a nyika kuba cilembyo
ca mulimba,
Alimwi muntu aumwi kuba mulembi ku ncito;
Kulemba luyandisyo lwa Leza atala
Inga kwapa kuyuminina kwa lwizi;
Na kukonzya kuzuzya pepa damfu lyonse,
Nekubakuti lya vungululwa kuzwaku
mulengalenga kuyaku mulengalenga.

¹³⁸ Obo mbo lubede, luzyalo, luzyalo lwa Leza. I luzyalo lwa Leza lwakaleta cimvule... Leza wakaleta luzyalo mu maumi esu kwiinda ku luyandisyo Lwakwe lwa ndiswe. Nceeci cintucimwi cimbi luzyalo nco lutakonzyi kucita; luzyalo talukonzyi kuulwa pe, luzyalo talukonzyi kusambalwa. Lwalo nduzyalo! Ndwa kuli Umwi mupatikampatila. Iiyi, munene. To konzya kunyengelela kuluula pe. Inga waamba, "Leza, Njo cita *boobu-a-boobu* ikuti na Uyo cita *boobu-a-boobu*." To konzyi kucita obo. Leza taka ciciti pe. To konzyi kusomona cintu kuzwa kuli Leza. Leza ula cipa kuli nduwe ku luzyalo Lwakwe. Oh, oh, oh, ma!

¹³⁹ "Kutali oyo uyanda na walo uwilana, pele Leza oyo utondezya luse." Mbo mbubo.

¹⁴⁰ Bantu bala vundama ku masyu abo. Elyo bantu bamwi bala boola kuli ndime... Nda syoma Nda mubona umwi wa balombe kusule awa mu buyake sunu. Ii mulombe muna Methodisti wazwaa kunjila, a kutambula Muuya Uusalala, kuzwa kutala mu... Elyo balo balombe baka sika kuli ndime, bakati, "Lino, Mukwesu Branham, ino mukuti twa kafutulwa a kutambula Muuya Uusalala, sa tuunke kuyo yandaula zipego?"

Nda kati, "Muta ciciti. Muta ciciti."

¹⁴¹ Leza ulapa zipego Zyakwe cabupatikampatila. Zipego a kwiipta tazibooli ku kweempwa pe. I cintu citaanzi nywebo mulizi, mwainka kuyandaula cintucimwi, "Leza, Ko ndibamba buyo kuba mukambausi, Ko cita buyo *eci* kuli ndime," alimwi ncinzi ncoya kuba? Ii sikusinizya maningi mupati, kwa mana. Uya kuunka ku lwiyyo lumwi lwabukombi ilwa muntu umwi a kabunga kamwi, elyo awo uyolisimpika kuba munsende a cilonda cinyonyoona. Lekela Leza aite. Leza uyo kwiita, Leza uyo kusalazy, Leza uyo kupa eco Nca yanda kuyo kupa. Iiyi, munene.

¹⁴² To konzyi kunyengelela kuula luzyalo. Peepe, munene. To, talukonzyi kusambalwa, talu konzyi kunyengelelwa kuulwa, nanka talu konzyi kuulwa, talu konzyi kuuzigwa. To konzyi kwaamba kuti, "Ee, lino, Mwami, Njo sangana mbungano eyi mpati loko iya Baptisti, na eyi mbungano mpati ya Methodisti, na eyi mbungano mpati iya Pentekoste, na eyi mbungano mpati iya Nazareni. Njo cita *ceeci* ikuti na Uyo ndicitila *ceeci*." Talu konzyi kunyengelelwa kuulwa. Peepe, munene.

¹⁴³ "Boonse abo Taata mbaka Ndi pa bayo boola kuli Ndime. Taakwe muntu ukonzya kuboola citakuti Taata Wangu wamwiita lutaanzi."

¹⁴⁴ Yebo uba buyo cizo ca mbungano eyo mpati, kwa mana, toka futulwi pe. Luzyalo lweelede kukufutula. Matalenta esu ta kkalikili pe, alimwi matalenta esu takonzyi kuba esu—esu... Matalenta esu ngo tujisi, ta tukonzyi kuvola luzyalo kwiinda ku matalenta.

¹⁴⁵ Ikuti na Leza waka ndibamba kuba mukambausi, eco tacitondezyi kuti luzyalo Lwakwe kuti lwakali a ndime. Peepe, peepe. Lwalo nduzyalo Lwakwe luzutu lwaka ndifutula. Kutali kaambo kakuti Ndi kambauka Makanimabotu, Nda kafutulwa. Kutali kaambo kakuti ukana mu myaambo, wa kafutulwa. Oh, peepe. Kutali kaambo kakuti yebo, nkaambo ula kambauka. To kafutulwa akwalo nkaambo buyo kakuti ula kambauka. To—to kafutulwa nkaambo kakuti ukana mu myaambo. To kafutulwa nkaambo kakuti ucita cimwi ca zintu ezi. Bakorinto Bataanzi 13 latondezya obo, “Nekubakuti Nda kanana mu myaambo ya bantu a Baangelo, nekubakuti Nda mvwisya maseseke oonse aa Leza (mukambausi), nekubakuti Nda cita zyonse *ezi*, a kuba alusyomo lwa kuzyula malundu, ta Ndili cintu kusikila luyando lwanjila, luli nduyandisyo.” Luyandisyo nduzyalo. I luzyalo lwa Leza lucita zyoonse ezyo.

¹⁴⁶ Bantu bamwi, muli jisi matalenta mbuli bamwi aba bandooma bazizyano ezi zyakuyuumba buniini. Eco cila ndicima ncobeni kuli kwangu, ta Ndi zyi, bujike akulya kwangu kwabubotu bwakumuuya. Njo mwaambila, cindi Nda mvwa ezi zyakuliyuumba buniini zyaima masiku mu mujibelo a kwiimba ciimbo cakuliyuumba buniini, a kuzyana busiku boonse, alimwi mpawo cifumo citabela kusika kulanga bbunga lyabantu a zintu mbuli ezyo kusola kusama busyu bulamfu bwa kulilulamika, a kwiima awo kumbele lya bantu a kwiimba ciimbo, a kuyeeya kuti bayo unka ku Julu. Nda konzya kwiita mazina manji, pele Ta ndeelede kucita. Eyi teepu iinka koonse. Pele nywebo nyoonse mulizi. Ii mulombe okuno kutali ciindi cilamfu cainda, mu Hollywood, taka konzya kumyonta musimbi nkaambo cakali kulwana “bukombi” bwakwe. Kulwana “bukombi” bwakwe, akupanga zifwanikiso zyanyimbo yakuliyuumba buniini a zintu zya mause, a zintu mbuli—mbuli ezyo. Sa uyeeya kuti eco cikonzya kukutolela nsiliva zyako zili makumi otatwe akuba abweelelo ku cintucimwi mu luzyalo lwa Leza, Judasi? Ta zikauli cintu cita busena bwako mu gehena!

¹⁴⁷ Luzyalo lwa Leza talu konzyi kunyengelelwa kuulwa, nanka kuba... lakonzya kuba nkaambo ka talenta. Lwalo nduzyalo lupatikampatila! “Taakwe cintu mu maboko angu Nce leta, biyo ku ciingano Cako Nda jatilila.” Sicinswe, wazicisa, Nda boola buyo mbuli Mbwe bede.

Mbubonya mbuli Mbwe bede, kakutakwe
cakulombya,
Pele kuti Bulowa Bwako bwaka tililwa ndime,
Alimwi kuti Wa ndilailila kuboola kuli Nduwe,
O Kabelele ka Leza, Nda boola!

¹⁴⁸ Kwa mana, lwalo nduzyalo lwa kandileta. Luzyalo lwaka cicita. Luzyalo luli mbuli, cintu cimbi Nce yanda kwaamba, ziindizimwi luzyalo lula...

¹⁴⁹ Aya mambungano mapati, ayeeya kuti inga ainka kunselelo okuya, bala yeeya, “Ee, twa kayaka mbungano mpati yiinda mu dolopo. Tu jisi kakamu ka balindu balugwasyo awa ako kabamba bacete... zisani zya bacete, a kuzituma ku masi alandukwa lwizi. Tula sanina bacete. Tula cita zyonse *ezi*.”

Paulo wakati, “Nda konzya kucita cintu nciconya, a kutaba cintu.”

¹⁵⁰ Ba lati, “Ee, swebo, tuli kabunga kakaindi. Twa kali waano kwa myaka ili zyuulu zyobilo. Tuli myaka ili myaanda yosanwe yakukomena. John Wesley, Alexander Campbell, a baaba basikutalisya batapi kaindi okuya, baka talisyia mbungano yesu. Aleluya!”

¹⁵¹ Ee, Jesu Kristo waka talisyia Mbungano eyi, lubbizyo lwa Muuya Uusalala, a ku baambila kuunka kutala ku Pentekoste a kulindila mane baka tambula Nguzu zizwa Kujulu.

¹⁵² Alimwi inga kocizulilwa ku mbungano ya Pentekoste pesi kosweekede. Mbungano ya Pentekoste ili buyo mbuli mbungano imbi. Mbo mbubo.

¹⁵³ I cintu cancico nkuti, kuli Mbungano yomwe luzutu, eyo nje Mbungano momuzyalilwa kwiinda ku lubbizyo lwa Muuya Uusalala, “Nkambo ku Muuya omwe toonse twa kabbizigwa mu Mubili omwe,” Bakorinto Bataanzi 12:13, mbo mbubo, Bakorinto Bataanzi—Bataanzi 12. Lino, twa kabapatizingwa mu Mbungano eyo.

¹⁵⁴ Pele bantu bayeeya kuti inga baba abweelelo bwa kulujana. “Baa, swebo, Nda—Nda kaunka ku cikolo alimwi Nda kaiya kucita *eci*, alimwi Nda kaunka ku maseminari alimwi Nda kacita...” Eco ta caambi cintu comwe. To konzyi kuula luzyalo lwa Leza.

¹⁵⁵ Luzyalo lwa Leza luli boobu. Andi mwaambile kaano, mu kumanizya. Luzyalo lwa Leza luli boobu. Ciindi cimwi kwakali mwaami singuzu, alimwi oyu mwaami singuzu waka jisi mwana alimwi wakali mwana wakwe alikke. Elyo buzuba bumwi mujayi waka jaya mulombe oyo. Elyo kwiinda mu bwami obo kwakaunka baiminizi kaba vvima mujayi oyo. Kumalekelo bamu jana mujayi oyo. Elyo cindi niba kamujana, baka muousya kuli nguwe a kumubikka mu ntolongo. Elyo cindi niba kacita, kubetekwa kwakatalika nkabela kaambo kakakosolwa. Oh, cakali cintu ciyoosya. Wa kajaya mwana wa mwaami, nkabela wa kalizi eco cakali kumuboolela.

¹⁵⁶ Ba kamubikka muntolongo ya mukati, ba kakkiya zitendele, alimwi ba kabika zikwabilizyo ali nzizyo kutegwa kutabi omwe... balindilizi kaba izungulukide, nkaambo tu lizi musyobo wa cisubulo cibyaabi mulombe oyu nca keelede kuyo tambula, nkaambo wakajaya mwana wa mwaami, sibwami, mwana wa mwaami. Balindilizi baka bikkwa koonse kuzunguluka zitendele. Wa kabikkwa muntolongo ya mukati.

Kasamununwa, katakwe acintu pele ii—ii kasamide cikobela ca ku cikungu. Elyo ngooyo mbwa kabede kakkedé mu ciimo eco. Kafwanzala, teeba kamupa cintu cakulya. Wa kali kkede mu ciimo eco.

¹⁵⁷ Mpawo baka muleta ku kubetekwa. Wa kajanwa mulandu alimwi waka tondezegwa kuti ujisi mulandu. Ii kaambo kakosolwa, kuti wa keelede kujaigwa kunsi lya cisubulo calufu cibyaabi, wa keelede kujaigwa ku mainci kusikila buumi bwakwe bufwika bwakamana. Kaambo kakakosolwa kwiinda ku mubetesí, wa keelede kufwa. Elyo waka lombelela a kulila, nkabela wa kati, “Nekubakuti Nda janwa mulandu, nekubakuti Nda janwa mulandu, Nda usa kuti Nda kacita ceeco. Nda lombozya Ne takacicita ncobeni. Nda usa kuti Nda kacicita. Mu kaindi kaniini, mu kufundilila kwa kunyema, Mwe ka cicitila. Nse kali kuyanda kucicita mu nzila eyo.”

¹⁵⁸ Bumwi buzuba mwaami wa kaunka kunselelo ku busena, ku kuswaya mulombe, kuyo mwaambila, kwaambaula kuli nguwe aku mwaambila kujatikizya kujaigwa kwa mwana wakwe wini, mwana alikke ngwa kajisi. Wa kamujaya mulombe oyo. Wa kati, “Ndi inka kunselelo kuyo kanana kuli nguwe.”

¹⁵⁹ Elyo cindi nakaunka kunselelo okuya, wa kalanga musule mu cizangala, mbuli munyama wajalilwa mu cizangala. Wa kabona mibili wakwe wa muniini uukotede loko kaulede omuya mu kkona, kalila. Busyu bwakwe bwaka boonse bwaka umbaala, myeebo yakwe yaka goontana kusule, meso aakwe kapuutila mukati, penzi lyakali moonse mu meso akwe, a mulomo wakwe wakali kutuba konse; taakwe meenda, kafwidenyota maningi. Kalede omuya cavundeme busyu bwakwe, kalila. I mwaami wa kati, “Koimikila.” Wa kaboola kuli nguwe, elyo waka mulanga. Wa kati, “Nkaambonzi ncoka mujaila mwana wangu? Ncinzi mwana wangu nca kakucitila? Ncinzi nca kacita kutegwa aelete ku lufu mbuli mbo kamujaya, ku muyasa calufu kubelesya sumo?”

¹⁶⁰ Wa kati, “Taakwe, mwaami wangu, kwiina cintu comwe. Ninciki zyangu buyo, ni nzila zyangu buyo. Nda kamujaya nkaambo kakuti Nda kali simunyono kuli nguwe, elyo Nda kanjila mu mabibo aa kunyema kapati elyo Nda kamujaya.” Kati, “Lino Nde elede kufwa kunsi lya lubeta lwako, munene. Nda mvwisya eco alimwi Nde elede ku kucita. Cintu biyo Nce lilila, nkuti Nda usa kuti Nda kajaya ulya sibwami mbuli bobuya, kakutakwe kaambo.”

¹⁶¹ I mwaami wakanyona aa tusindi twakwe a kweenda kuzwa, wa kaunka ku desiki, a kuti, “Mwaya bulunguluzi boonse!” Yebo ulizi, bubikke mu lwizi lwakuluba. “Mwaya bulunguluzi boonse! Komu sanzya, ko musalazya. Njo mutumina cikobela cakwe.”

¹⁶² Kwiinde kaindi, mootokala mupati ncobeni uuudula wakasika ku mulyango. Cindi niya kacita, kkapeti yakayalwa

kusikila ku mulyango wa ntolongo. I mwaami wakaima kumamanino a mootokala mupati uudula, kati, “Bool, mwana angu, a kukkwela kuya ku ng’anda a ndime kung’anda ya bwami,” kabikka cikobela ca mwaami kuzunguluka makuko aakwe. Wa kati, “Kuzwida lino uli mwana angu.”

¹⁶³ Nkaambo kakuti wa kajisi luse, olo nduzyalo. Oyo wakali ndime, oyo wakali nduwe. Twa kajaya Mwana wa Leza, ku zibi zyesu. Twa kali bamuzwakule, balatombe, basofweede, kabakede muntolongo ya inyika. Leza waka tusanzya ku Bulowa bwa Mwana Wakwe Wini, aku tusalazyza, kusama cikobela ca Muuya Uusalala. Elyo lino nkalaki mpati ya Leza iyojokela ku mulyango buzuba bumwi, nkabela tuyo unka ku muunzi kuyo kkala a Nguwe. Bulungulizi boonse bwamwaigwa, tatu konzyi kubetekwa limbi; bwaumpwa kumaninina, Wa kabubikka mu lwizi lwa kujatilwa nkabela tabu yeeyi limbi kujatikizya mbubo. Ta cigambyi inga twa imba!

Luzyalo lugambya! Obo mbo lumvwika
kubotu,
Olo lwa kafutula mupenzi mbuli ndime!
Nda kali sweekede ciindi cimwi, pele lino Nda
kajanwa,
Alimwi ndakali moofu, pele lino Nda bona.

Lwa kali luzyalo olo lwaka yiisya moyo wangu
kulemeka,
Luzyalo lwa kaangulula kuyoowa kwangu;
Obo mbo cakali ciyandisi olo luzyalo nilwa
kalibonya
I oora Ne kasyoma lutaanzi!

¹⁶⁴ Sa toko lekela eli kuba oora lyako ndyoonya lino, mweenzuma sizibi, kuciindi notu kotamika mitwe yesu aniini buyo ku ijwi lya mupailo? Akube kuti eli libe oora ndyo syoma lutaanzi, ndyoonya lino. Bamba mizeeo yako, a kwaamba, “Mwami Leza, Ndila mulandu. Nda mvwisya kuti citola luzyalo kundi futula. Nse konzyi kuli futula ndemwini. Ndili sweekede. Ndili nyonyookede. Nse konzyi buya kucita cintu. Ndi—Ndi—Nse gwasyikan cakumaninina, nyinabulangizi, kakutakwe Leza, kakutakwe luse, kakutakwe Kristo, mu inyika, kaba muzwakule. Sa Toko oba aluse a kundigusya muntolongo eyi ya cibi omo Mwe bede sunu, O Mwami? Alimwi koba siluse kuli ndime nde sizibi.” Sena inga watambika janza lyako, kwaamba, “Mwami Leza, Ndime oyo muntu uyandikana luzyalo Lwako”? Sena inga watambika janza lyako, kwaamba, “Kondi pailila, Mukwesu Branham, Ndiyo syoma lino”? Lezaaku longezye kususe oko, mukwesu wangu.

¹⁶⁵ Muntu umwi umbi waamba, “Mukwesu Branham, kondi yeeya lino, oh, mukwesu, akaka cita, mu mupailo.” Lezaaku longezye, mulindu. “Paila kuti...” Lezaaku longezye,

mukwesu. Leza aku longezye, mucizi. Leza aku longezye, mukwesu, awa a mpulungwido. Leza aku longezye, mukwesu, kusule okuya. Leza aku longezye, mukwesu, awa, umwi umbi. "Kondi yeeya, Mukwesu Branham." Leza aku longezye mukwesu wangu okuya. Iiyi, umwi umbi awa. Leza aku longezye, mucizi. Leza aku longezye awa, mukwesu. Uli kubwene lino. Kocikanza ncobeni. Leza aku longezye, mwaalumi mukubusyi. Ula bona, ulaziba. Leza aku longezye, mukwesu. Leza aku longezye, mucizi uyeeme ku bwaanda. Leza aku longezye ansi awa, mukwesu. Leza aku longezye, mukwesu kusule uyeeme ku bwaanda.

Mbubonya mbuli Mbwe bede buyo,
kakutakwe . . .

Sa inga kwaba umbi? Leza aku longezye. Nda bona janza lyako kusule oko.

Pele kuti Bulowa Bwako bwaka tililwa ndime,
Iiyi, Mwami. Leza aku longezye, mucizi.

Alimwi kuti . . . (Leza akulongezye, mucizi.) . . .
Ula ndilailila kuboola . . . (Leza aku longezye,
oko kulaale kusule oko . . . ? . . .) . . . kuli
Nduwe,

Luzyalo, luzyalo, Ndi . . . (Leza aku longezye,
mulindu muniini.) . . . Nda boola!

Mbubonya mbuli Mbwe bede, a kutaindila
Kugwisya kaimba kamwi kasiya ku buntu
bwangu,
Kuli Nduwe, Uula Bulowa bukonzya
Kusalazy kaabata koonse,
O Kabelele ka . . . (luzyalo, oh, luzyalo) Nda
boola! Nda boola!

¹⁶⁶ Lino, kwali maanza atandila ku kkumi aosanwe na makumi obilo aunka mujulu. Lino amitwe yanu kiikoteme, Nda mulomba kuti mutambike maanza anu, cabuumuzi lino amwiime buyo ku matende anu kuciindi Ne tuula mupailo kuli ndinywe. Ta tu jisi busena awa aa cipaililo. Nku buyo, Nse konzyi. Amwiime ku matende anu, boonse abo batambikide maanza anu, bayanda kukombelwa lino. Amwiime ku matende anu ndyoonya lino kuciindi Ne tuula mupailo. Amwiime buyo ku matende anu, koonse.

. . . katikila ndime,
Elyo kuti . . .

Eco cili kabotu, Leza amu longezye

. . . mebo kuboola kuli Nduwe,
O Kabelele ka Leza, Nda boola!

¹⁶⁷ Amuyeeeye, inga kuyooba buzuba obo luzyalo noluta kabi limbi, talu kalili limbi kuli nduwe, ciindi cino manide. Lino ciindi tacina mana.

¹⁶⁸ O Leza, Taata wa Mwami wesu Jesu Kristo, Oyo wakaleta alubo Mufutuli wesu kuzwa ku bafu, lino ulapona, Walo Oyo mu Bulemu cabupati loko, katuma Muuya Uusalala wa Kristo ali ndiswe, kuleta kulamwa kuli sizibi. Leza, Nda kombela ku bantu aba baima ku matende abo. Bwalo mbwini, Mwami. Wa kati, "Oyo uyo Ndi peda bumboni kumbele lya bantu, oyo Njo mupeda bumboni kumbele lya Taata Wangu a Baangelo basalala." Tu lizi, cindi twa kwiima ku cifumo eco cipati ca lubeta, ino ciyooba ciindi. Ba liimvvi lino, Mwami, kutegwa zibi zyabo ziba tobele; zibi zimwi zya bantu zilatobela. Bantu aba baliimvvi awa cifumo cino nkaambo bali mukulyaambilila zyabo, mukuziba kuti ba kalubizya elyo bayanda Nduwe mbuli Mufutuli wabo. Kolingaula mukati ka myoyo, alimwi Uli zyi konse kujatikizya mbabo.

¹⁶⁹ Nda komba, Taata, kuti Uyo opa nkumbizyo zyabo. Ba futule. Balo nzilumbo zya Mulumbe muniini cifumo cino, zya luzyalo lwa Leza; takukwe makani eco nco twa kacita, ula dingama aku tubweza. Ko cipa, Mwami. Kopa luzyalo ku myoyo eyi. Akube kuti lyoonse kababona Jesu mbuli Mufutuli wabo. Ba bamba mucito. I Muuya Uusalala waba bamba kwiimikila, nkabela ba cicita. I Muuya Uusalala kubaambila kwiimikila. Alimwi ba, mu kuswiilila ku Muuya, baima.

¹⁷⁰ Lino, Mwami, Ula bamba Ijwi Lyako. Wa kati, "Taakwe mutun ukonzya kuboola kuli Ndime cita Taata Wangu wa mukwela lutaanzni. Alimwi bonse abo Taata mbaka Ndi pa, bayo boola kuli Ndime. Oyo uyo boola kuli Ndime, Nse ka mutanda kuli koonse. Oyo umvwa Majwi Aangu aku syoma ali Yooyo waka Ndi tuma, ujisi Buumi buteeli, alimwi taakwe nayo boola mu lubeta pele wazwa ku lufu kuya ku Buumi." Nkikaako, Mwami, atala a mbaakanzi ya Magwalo aya, alo Majwi Aako Omwini, Mwami, ayo nge twa bala mu Musalali Johane 5:24, "Oyo uyo mvwa Majwi Aangu a kusyoma ali Yooyo waka Ndi tuma, ulijisi!" Nkaambonzi? Nkaambo kakuti wasyoma, luzyalo lwa muswaya. "Waboola ku Buumi buteeli, alimwi taakwe nayo boola ku lubeta (uyo unka kumbele lya lubeta), alimwi taakwe nayo boola ku lubeta pele wazwa ku lufu kuya ku Buumi." O Leza, obo mbotu Ku lumba nkambo ka ceeci!

¹⁷¹ Twa komba lino kuti Uyo babamba mu buumi boonse. Akube kuti ba, aumwi, babbizigwe, kwiita aa Zina lya Mwami, kusanzya zibi zyabo. Ko cipa, Mwami.

¹⁷² Lino Nda batuula kuli Nduwe, mbuli mulanda Wako, kusyoma kuti Angelo mupati wa Leza Oyo waka yutuka kunselelo okuya. Alimwi, Taata, Uli zyi kaano koonse, ayooyo Angelo mupati waka yutuka okuya muli Bwasanu cifumo, kubucedo buyo bucisiysiya,aku kanana Majwi aya, mu ciwa ca bafulicoongo botatwe kababoola kuzwa atala lya mulundu. Mwami Leza, akube kuti Leza oyo Wa kayutuka kuli ndime okuya muli bafulicoongo, akube kuti Afu tule bantu aba,

kwiinda ku luzyalo Lwakwe, ndyoonya lino. Nda bapa kuli Nduwe, mukulangila Nduwe kubamba Ijwi Lyako, alimwi Uyo cita, nkabela Njo baswaana aa buzuba obuya bupati, kakunyina kabata nanka kaimba mu buntu bwabo. Ko cipa. Mu Zina lyu Jesu, Nda bapa kuli Nduwe. Ameni.

¹⁷³ Leza amu longezye. Lino mbuli mbo mukkala, kufumbwa oyo ukkede munsi lyabo abo bantu oyo Munakristo, sukana janza lyabo. Ko baambila, batambe ku mbungano, a kufumbwa cimbi, kutegwa bakonzye kuba... Oh, sena Tali mubotuloko?

Luzyalo lugambya! obo mbo lumvwika kabotu,
Olo lwa kafutula mupenzi mbuli ndime!
Nda kali sweekede ciindi cimwi, pele lino Nda
kajanwa,
Kali moofu, pele lino Nda bona.

Lwakali luzyalo lwaka yiisya moyo wangu
kulemekwa,
Alimwi luzyalo lwa kaangulula kuyoowa
kwangu;
Obo mbo cakali ciyandisi cindi olo luzyalo
nilwa kalibonya
I oora Ne kasyoma lutaanz!

Sena wasyoma? Ikuti na wa cita, tambika janza lyako.

Oh, obo Mbwe yanda Jesu,
Oh, obo Mbwe yanda Jesu,
Oh, obo Mbwe yanda Jesu,
Nkaambo Wa kasaanguna kundi yanda.

Cindi twa akuba okuya kwa myaka ili zyuulu
zili kkumi,
Kumwekesya kwini mbuli zuba;
Ta tuno jisi mazuba masyoonto akwiimba
kulumbaizya Leza (alumbwe Leza!)
Kwiinda ciindi ni twa katalika lutaanzi.

¹⁷⁴ Mula Mu yanda? Lino, sa Tali mubotuloko? Lino...

Cindi...

Kuciindi no twimba loolo alubo, Ndi yanda kuti musukane maanza a muntu umwi munsi lyanu, cabuteteete ncobeni kwaambla, "Leza aku longezye, muzwamasi." Cabotu loko a kusalala lino.

Cindi twa noli...[Mukwesu Branham a
mbunga basukana manza—Mul.]...?
kulumbaizya kwa Leza
Kwiinda cindi ni twa katalika lutaanzi.

Aa ciingano, aa ciingano awo Mpe kasaanguna
kubona Mumuni,

Elyo mukuli wa moyo wangu wakalemununwa,
Kwakali okuya ku lusyomo Nkwe katambwida
kukubona kwangu,

Elyo lino Ndili kkomene buzuba boonse!

Oh, aa ciingano, aa ciingano awo Mpe
kasaanguna kubona Mumuni,

Elyo mukuli wa moyo wangu wakalemununwa,
Kwakali okuya ku lusyomo Nkwe katambula
kukubona kwangu,

Elyo lino Ndili kkomene buzuba boonse!

Sa tamu kkomene?

Ndili kkomene kapati kuti Jesu waka
ndaangulula,

Ndili kkomene kapati kuti Jesu waka
ndaangulula,

Oh, Ndili kkomene kapati kuti Jesu waka
ndaangulula,

Kwiimba, bulemu, Aleluya, Jesu waka
ndaangulula.

Oh, Ndili kkomene kapati kuti Jesu waka
ndaangulula,

Oh, Ndili kkomene kapati kuti Jesu waka
ndaangulula,

Oh, Ndili kkomene kapati kuti Jesu waka
ndaangulula,

Kwiimba, bulemu, Aleluya, Jesu waka
ndaangulula.

¹⁷⁵ Sa tamu Mu yandi? Tali mubotu na? Oh, Ndi yeeya buyo kuti Mubotuloko. Lino, amuyeeeye buyo, kuti eli Bbaibbele Mbwini Bwakwe, alimwi eli Bbaibbele liyiisa kuti Ngu mbobuca nguwenya, sunu, amuya myaaka. Ndi yanda ku mubuzya cintucimiwi. Ikuti na Ngu mbobuca nguwenya, sunu, amuya myaaka... Leza kondi jatila kukwaamba bbala lya kusanka bukombi, "ikuti na," pele Ngu mbuboca. Pele ikuti na Ngu mbobuca, Njo cibikka boobo, mpawo ino musyobo nzi wa Muntu Ngwa yooba? Inga uyooba mbubonya mbuli Mbwa kabede.

¹⁷⁶ Lino, kuli cintu comwe biyo candeene muli Nguwe mukuba kokuno cifumo cino kwinda Mbwa kabede akati ka bantu ku Galilaya, oyo inga waba mubili Wakwe Mwini wakunyama, mubili Wakwe waansi; nkaambo oyo waka busigwa (mula syoma obo na?), uuli kkede ku janza lya lulyo lya Mupati Sijulu lyajulu, upona lyoonse kukombelezezya nkambo ka kulyaambilila kwesu. Amuyeeye, Ta konzyi ku tucitila cintu comwe mane twa saanguna ku Mu tambula a ku syoma kuti Wa cita, a kwaamba kuti Wa cita, nkambo Walo Mupaizi

Mupati oyo unga... Walo Mupaizi Mupati ukombelezezya ku kulyaambilila kwesu.

¹⁷⁷ Lino bunji bwanu nobabali ba Bbaibblee mwaamba kuti Eco caamba "kulyaamba." Elyo *kulyaamba* a *kulyaambilila* ndi bbala lyomwe. Mwabona? "Kabamba Mupaizi Mupati," mu Bbuku lya ba Hebrayo, cipati ca 3, "lino ka kombelezezya ku kulyaambilila kwesu." Mpawo Ta konzyi kucita cintu cita lutaanzi twaamba kuti Wa cicita. Mwabona, mulasika anselelo awa aa cipaililo a kupaila busiku boonse, inga tii kwamugwasya kusikila mwasyoma kuti Ula kulekelela, mpawo ulaimikila. Mpawo mbuli lusyomo ndo jisi, mpo mpawo... Wa kapona lomwe *awa* mu ntimba ya cibi. Lino, nywebo nobasanduki baniini, lino mula syoma na kuti mwa futulwa, tamu citi na? Mpawo mwaka sumpuka *awa*, mwa sumpuka mujulu aniini. Ncinzi cicitya ceeco? Lusyomo lwatu, nkaambo wasyoma kuti uli Munakristo lino, uyo pona kwiindilila cintu eco lino. Wabona? Lino ikuti na uyanda kusumpuka mujulu aniini, koba buyo a lusyomo lunji, nkaambo talugoli, kozumanana buyo.

¹⁷⁸ Ee, oh, citakonzeki cilakonzya kubambwa kuba kasimpe. Zintu zyoonse zila konzeka kuli baabo basyoma. Mbo mbubo. "Ikuti na waamba ku dundu eli kuti, 'ko zyuka,' elyo kotazumbauzyi mu moyo wako, pele wasyoma eco neco wamba ciyo critika, ulakonzya kutambula eco neco waamba."

Lino Jesu Kristo ukkala mu bantu.

¹⁷⁹ Buzuba bumwi Kristo wakali mu Musumpululu wa Mulilo, Ulya ngomwa bona kakkopwa, tu Usyoma kuba Jehova Leza. Ncencico eco Angelo ncali kusoleka kuleta kuli ndiswe. Lino, Wa kali muciimo Cataata kaindi, Wa kali Taata wa Israyeli, ii cisi.

¹⁸⁰ Mpawo Wa kaboola akukkala akati ka bantu Bakwe, mbuli Kristo, Mwana. Mbo mbubo na? Kristo wakali Mwana wa Leza.

¹⁸¹ Lino Ngu Kristo, Muuya Uusalala, uuli Mbunanike. *Kristo* caamba "uunankidwe," alimwi Umwi uunankidwe atala lya bantu, Kristo ula ndiswe, Muuya Uusalala. Ngu Kristo ula ndiswe, muli ndiswe. Mula syoma obo? Amulibatamike ncobeni kwa kaindi buyo, cabuumuzi. Lino Ngu mbububa?

¹⁸² Nda syoma kaindi kainda Nda jisi kwiitwa, a kwaamba kuti bantu bali kubwelebweza makani a zyuuno a zintu ansi awa. Tuyo ambaula akale kujatikizya ceeco mu kuswaangana kumwi kwa mbungano. Nda mbila Billy mpawo, ikuti na bali kuyo kombela bacisidwe, ikuti na kwali banji ansi awo, ku bapa makkaadi aa mipailo. Wa amba kuti uyo cita. Nda syoma wa cita.

¹⁸³ Kwa myeezi yobilo na yotatwe yainda, kuzwa cindi cintucimwi nica kacitika, mulimo waka sika mu busena obo kusikila wakazwa aniini mu janza lyangu. Ba kali kubona oko kutweluka azimwi zimbi, obo mbu kwakali kukanana a kwaambila bantu, mbubonya buyo mbuli Mwami wesu mbwa

kacita cindi Na kali ansi ano. Nyoonse nywebo mwaka kubona, Nda yeeyela. Mbangaye awa bata nakubona na bataka kubona kakubeleka? Atu bone maanza anu, batana kubona. Oh! Batana kubona ka kubeleka. Ee, kuli nkamu omuno eyo yataka kubona, Nda yeeyela mbeenzu. Ta tuzi na bantu bazwa kuli.

¹⁸⁴ Eci ncikombelo caabanwa tubungwe tunji. Ta tulwani tubungwe, pele ta—ta tu twiiminini pe akwalo. Tula tulekela buyo kuunka nzila yato. Tu syoma mu kutola bantu... Ikuti na bayanda kujokela ku kabungwe, kuli kaboutu, kufumbwa kuti kabapona buumi bwa Bunakristo. Tu buyo—busena buyo bwaku futwida buntu ano. Oyo ngo mulimo wangu kuli mbabo.

¹⁸⁵ Lino, pele Ndila syoma kuti Bbaibbele lilaiisya, muba Hebrayo 13:8, kuti Jesu Kristo ngu mbobuca nguwenya, sunu, amuya myaaka. Mula syoma obo? [Mbunga yaamba, “Ameni.”—Mul.] Ee, ikuti na Ngu mbobuca... Lino kuciindi nywebo nyoonse nomukkede cabuumuzi loko aniini buyo, Ndi yanda kwaambaula kuli ndinywe kuzwa ku moyo wangu ncobeni, elyo mpawo tuyoooba akuswaangana kwa kuponesegwa. Ndi yanda ku mubuzya cintucimwi. Ikuti na Ngu mbobuca nguwenya, sunu, amuya myaaka, mpawo mbobuti Mbwa ka... Nzila biyo njo tu konzya kuziba mpawo, ikuti na Walo Muuya, Inga walilemeka nzila njiyonya Nja kacita jilo. Mbo mbubo na? Inga walilemeka nzila njiyonya Nja kacita jilo. Mbobuti Mbwa kalilemeka jilo?

¹⁸⁶ Sena Wa kaliindeene kuzwa ku muntu umbi uli onse? Walo muntu buyo, kalibonya mbuli muntu. Wa kali muntu. Wa kazyalwa, Wa kali muntu. Wa kali jisi nyama a Bulowa. Wa kapenga, Wa katongela, Wa kainda mu masunko. Wa kali muntu. Mbo mbubo, embo na?

¹⁸⁷ Pele ncinzi caka Mu bamba kuba Leza? Nkaambo kakuti Muuya wa Leza wakali ali Nguwe. Wa kali Mesiya uumanikidwe. Elyo mbobuti mboba kaziba kuti Mbwa kabede? Musa wakati, “I Mwami Leza wanu uyo busya musinsimi uli mbuli ndime. Nkabela ciyo boola kicitika kuti oyo uta kamumvwi Musinsimi oyu uyonyonyoonwa kuzwa akati ka bantu.” Lino, Wa kali musinsimi. Mpawo sena Israyeli wakali kulangila musinsimi? Beelede kuti bakacita, ikuti na bakali kulangila Mesiya. Alimwi Mesiya wakali kuyooba musinsimi.

¹⁸⁸ Lino atu cilangelange buyo mu kavwallu buyo, kwa tuvwallu tusyoonto buyo, a kuswiilisisya. Lino, amubikke mizeezo yanu ali Leza, nkaambo ta tuzi eco Leza ncanga wacita, tatuzi eco Ncayo ndaambila kucita.

¹⁸⁹ Ndi lizi kuti tu jisi cipego ca businsimi mu mbungano. Mukwesu wesu Neville, ula sinsima ku bantu, cili ncibotu loko. Tula cilumba eco. Twa kali kutondeka kuli ceeco kuzwa kumatalikilo. Tuli jisi bamwi omuno bakanana mu myaambo. Ta tusyomi kuti bantu beelede kukanana mu myaambo ku

kuba a Muuya Uusalala. Kunyina Lugwalo luli boobo lwa cintu mbuli ceeco. Pele tula syoma kuli cipego ca Muuya Uusalala eco caku kanana mu myaambo, tuli cijisi mu mbungano yesu. Pele tuba bamba... Ta tuzumanani kulilemeka bumwi. Tu syoma kuti Ndi Jwi lya Leza. Tula kanana cindi Muuya Uusalala wakanana, alimwi tulekela buyo eco kuboola ziindi zyotatwe. Elyo ceelede ku... konzyi kuba kuciindi Ne kambauka na mu ncililano, nkaambo muuya wa basinsimi ulendelezegwa ku musinsimi. Mwabona? Ceelede kucitwa kabotu mbuli mu Bbaibbele. Kunyina muntu ukonzya kwaamba kuti taakwe cintu cili boobo mbuli cipego ca Muuya Uusalala a kukanana mu myaambo. Tu lizi obo. I Bbaibbele lila ciyiisya, nkabela tula syoma muli ceeco. Alimwi tu lumba Leza kuti tuli cijisi mu mbungano yesu omuno! Tu jisi zipego zya businsimi, lutaanzu zyalozyeede kusolwa a kubonwa kuti na zili luzi na pe, elyo mpawo cipego ca businsimi.

¹⁹⁰ Mpawo kuli musinsimi. Lino, kuti, lino waboola mu ofesi.

¹⁹¹ Zipego zyalozya, zyalozya, kukanana mu myaambo, a bupanduluzi bwa myaambo, a luzibo, a busongo, a kutweluka, azimwi zimbi. Zyalozya nzipeco zyoonse.

¹⁹² Pele mpawo kuli maofesi osanwe. Kusaanguna mbaapostolo, basinsimi, bamayi, bavangeli, a beembeli. Ayo maofesi akaanzwa aa Leza. Bamaalumi mboba abeleva, mwabona. Ta ba, konzyi... To konzyi kuba lombozezya, to konzyi kubalombela; bala pegwa cabupatikampatila, bala zyalwa.

¹⁹³ Ii musinsimi tali musinsimi ikuti na muntumwi wabikka maanza ali nguwe aku mubamba kuba musinsimi. Ii musinsimi ulazyalwa kuzwa mwida lya banyina, ngo musinsimi, mwabona, aboobo lyoonse musinsimi. Mwabona?

¹⁹⁴ Leza wakaambila Jeremiyia, wakati, "Kotana akwalo nokuba kumitwa mwida lya banyoko," wakati, "Nda kali kuzi a kukusalazya a kukwaanza kuba musinsimi ku masi." Mbo mbubo. Mwabona? Musa, katana kuzyalwa, wa kali mwana uli kabotu. Wa kali musinsimi wa Mwami. Boonse babo mboba kayutuka. Kristo wakali Mwana wa Leza, kuzwa mu muunda wa Edeni. Mbo mbubo. Mwabona, zipego a kwiitwa tazibooli wamana kweempwa.

¹⁹⁵ Pele zipego zilapegwa ku Mubili. Lino tula zumina eco, tula zumina zipego ezi zyoonse.

¹⁹⁶ Lino atu bone obo Jesu mbwa kabede akati kesu, kubona obo Mbwa kabede kaindi okuya. Tu jana kuti cindi Na katalika mulimo Wakwe... Lino, swiilila kabotu, omweenzu. Cindi citaanzi Na katalika mulimo Wakwe, mu Musalali Johane, cipati ca 1, tu jana kuti Na kamana ku bbizigwa, Na ka mana kuboola... Wa kazyalwa a kuba amyaka ilili makumi otatwe yakukomena, Wa kabbizigwa kuli Johane. I Muuya Uusalala wakaseluka mbuli nziba a kuselemukila ali Nguwe, nkabela

Jwi lyakasika akuti, “Oyu ngo Mwana Wangu uyandwa muli Nguwe . . .” I Cigriki cini citaanzi cakati, “Muli Nguwe Mwe nkondelwa ku kkalamo.” Kati, “Muli Nguwe Mwe nkondelwa, muli Nguwe—muli Nguwe Mwe nkondelwa kukkala.” Pele, mwabona, eco cilimvwisywa kuta zwidilila aniini kuzwa kuli ndiswe, alimwi veebbu kumbele lya adiveebbu, pele mubwini nkuti, “Walo Mwe nkondelwa ku kkalamo.” Nkambo, Kristo, Leza wakali muli Kristo, kayanzanya inyika kuli Lwakwe. Tu lizi obo.

¹⁹⁷ Lino, mpoonya biyo Wa kaunka mu nkanda kwa mazuba ali makumi one, kasunkwa kwiinda kuli dyabulosi. Mpawo Wa kaboola a mulimo Wakwe, katalika kukombela baciswa.

¹⁹⁸ Elyo nikwainda kaindi kaniini, mpaawo kwa kaboola mwaalumi wa zina lya Simooni Petro, muzeli wanswi mudaala, watakayiide, takali kukonzya nokuba kulemba zina lyakwe mwini. Andreya waka mwaambila kujatikizya Mulombwana oyu ngwa kasyoma kuba Mesiya. “Bufuba!”

¹⁹⁹ Kaboola kuli Nguwe. Elyo mbwaka sikila biyo mu Busyu bwa Jesu, Jesu wakati, “Zina lyako ngu Simooni, alimwi uli mwana wa Jonasi.” Wa ka ziba kuti cintucimwi cakacitika. Wa kaziba kuti oyo wakali Mwana wa Leza. Nkabela caka Mu botela ku mupa zijuzyo zyaku Bwami, kamubamba kuba mutwe wa mbungano.

²⁰⁰ Kwakali mulombwana wakaimwi awo, wa zina lya Filipo. Filipo waka cibona, elyo wa kayeeya, “Ncibotuloko! Ndili muzi mwaalumi walo silwiyo mupati wa Bbaibbele, uukkala kutandila mamaile ali kkumi aosanwe munsi lya mulundu. Njo zuzaanina nkuko akumwaambila. Zina lyakwe ngu Nataniyeli.”

²⁰¹ Wa ka zuzaanina nkuko buzuba obo cakufwambaana loko. Cifumo cakatobela wa kasika okuya, ambweni ku kupasuka kwa buzuba. Kazuzila kutala aku konkomona aa mulyango. Elyo Muka. Nataniyeli wakati, “Ee, ulaanze mu mpulasi ya micelo okuya, Filipo.” Mweenzinyina wakwe, wa kaunka anze okuya, nkabela wa kali fugeme ku mazwi akwe, kakomba. Mbwa kanyamukila buyo kuzwa ku mazwi akwe, Filipo wakati, “Bool, uzobone Oyo Ngwe jana! Jesu waku Nazareta, mwana wa Josefa.”

²⁰² Lino oyu mukombi, mupati ulemekwa wakati, “Sa inga kwaba cintu cibotu cizwa mu Nazareta?” Wa kamupa kubalulula kubotu, cintu cibotu, wa kat, “Uta kkali a muunzi aku cikazya, uta unki kuya bwaambaula kujatikizya ncico. Koboola buyo, uzoli bonene lwako. Boola, ubone! Boola buyo, ubone kuti na inga cimwi cintu cibotu inga cazwa mu Nazareta.”

²⁰³ “Sa waamba Mesiya? Baa, Mesiya uyo boola, Uyo seluka, alimwi kuseluka kuzwa ku i . . . I tukondo twaku Julu ayo losegwa, Uyo boola ncobeni kuzwa mung’anda ya bwami. Uyo boola ku kabunga kesu kapati.” Ba ciyeeya boobo, nywebo

mwabona, ceelede kuboola ku kabunga kabo. "Uyo boola cigaminina ku kabunga kesu, kuya kweenda ansi atala aa zivumbya zisakatidwe zya ng'anda ya bwami okuya. Elyo Uyo unka mu masena aanze a kuboola ku cuuno cabwami, a kutala lyu busena Busalalisya, a kuti, 'Ndime Mesiya.'" Mesiya tabooli boobo. Mesiya uboola oko Nkwa yanda. Ula lyeendelezya, Ula cita mbuli Mbwa yanda.

Wa kati, "Ee," wa kati, "boola uzobone! Boola, uzoli bonene lwako."

²⁰⁴ Uta imi biyo koonse akuti, "Nse syomi mu zintu ezyo zya mubumbulusi uusalala oyo." Boola buyo, uzo bone kuti na kuli cintu kujatikizya Ncico.

²⁰⁵ Aboobo walo, mu lweendo okuya, Nda konzya kubamvwa kabaambaula. Atu, sa inga mwa yanda kumvwa eco nco bakali kwaambaula? Atu swiilile a kubona eco nco bakaamba. Nda syoma, kabaya kweenda ku lubanzu lwa mugwagwa, nywebo mulizi, Filipu wakati, "Sena Uli zyi, Nataniyeli, Ndi lizi uli sicikolo wa Bbaibbele, aboobo Ndi yanda ku kubuza cintucimwi. Tula ngila Mesiya, ta tuciti na?"

²⁰⁶ "Oh, iiyi, tuya buya ku mamanino aa mazuba ku nzyalani eyi alimwi eyi, Nda syoma kuti nzyalani iyo mubona Mesiya." Lino amuswiilile. "Oh, pele mpaawa mpo tubede, ta tuli cisi nokuba, tuli mwaikide koonse akati ka bantu. Mbobuti mbo tukonzya? Coonse eci!" Leza uboola mu oora elyo ndyomu tayeyeli. Nce cindi Na bako.

²⁰⁷ Wa kati, "Pele, lindila aniini, musyobo nzi wa muntu oyu Mesiya mbwa yooba?"

"Oh, Musa, mwiiyi wesu, waka twaambila kuti Uyo oba musinsimi."

²⁰⁸ "Njo kwaambila kujatikizya yooyu Jesu waku Nazareta. Sa ula tuyeeya ulya muzeli wanswi mudaala wakanyina luzibo nko kaula nswi ezyo ciindi eco, kaleta, kaula kuli nguwe, elyo taku konzya kusaina risiiti, taa kajisi lwiiyo lukubweni?"

²⁰⁹ "Inzya! Oh, oh, iiyi, uh huh. Jonasi a mulombe wa Jonasi. Inzya, Nda kaula kuzwa kuli Jonasi, akwalo."

²¹⁰ "Ee, lino, ulizi cintu na? Petro kaboola okuya..." Na Simooni, mubwini, zina lyakwe wakali Simooni kaindi. Wa kati, "Simooni wakaboola ku muswaangano wakwe. Elyo mbwa keendela buyo kuli nguwe, wa... Ula yeeya obo Simooni mbwa kali kunga ula twaambila kuti bawisi baka mwaambila kuteeti 'Uta kacengwi, nkaambo kuyooba basinsimi banji babeji kakutanaba Mesiya wini.' Nkabela obo mbwini. 'Milumbe minji yabubeji iyo mwaika.' Pele kat, 'Uyo ziba cindi Mulumbe wini waakusika, nkaambo, koyeeya, swebo toba Juda tusyoma kuti oyu Mesiya uyooba musinsimi.' Tula basyoma basinsimi besu."

²¹¹ Buzya mu Juda lino. Israyeli, cindi babweza Bbaibbele nkoonya okuya lino, kuboola kuzwa ku Iran a zintu, bala Li bala. Baamba kuti, “Ikuti na oyo Jesu wakali Mesiya, atu Mu bone kacita citondezyo ca musinsimi, tuyo Mu syoma.” Iiyi, munene. Ba lizi kuti balo basinsimi mba bwini.

²¹² Aboobo Nataniyeli kweelede kuti wa kati, “Oh, Nda syoma Mesiya uyooba musinsimi, nkaambo Musa wa kati, ‘I Mwami Leza wesu uyo busya musinsimi.’”

²¹³ “Ee, cindi naka bona ceeco, oyo Simooni ngo wamba, Wa kati, ‘Zina lyako ngu Simooni, alimwi uli mwana wa Jonasi.’ Walo Ta kamuziba biyo, pele Wa kalizi abo bawisi ba Farisi badaala banaleza bakwe.”

“Aah! Nse konzyi kusyoma obo. Wa leya kusakana kuunka ku mamanino.”

²¹⁴ Wa kati, “Oh, peepe, Nse na! Ko boola, uzo libonene. Boola, ubone! Boola okuno!” Kuzumanana mu mugwagwa, kaunka.

²¹⁵ Kumalekelo wa kasika mu Busyu awo Jesu mpa kabede, ambweni kaimvwi mu bbunga lyabantu amwi. Jesu kaimvwi alya, kalangalanga konse. Kumane kaindi Wa kalingula, elyo Wa kabona Nataniyeli kaimvwi anze alya, Wa kati, “Amubone mu Israyeli, muli nguwe mutakwe luuni!” Eco caka gusya buyumuyumu muli nguwe. Eco caka pompolola myuuwo mu masila iyeenza bwaato. “Amubone mu Israyeli, muli nguwe mutakwe luuni!”

²¹⁶ “Oyo ngu Leza,” wa kaamba. “Rabi,” lyaamba *mwiiyi*, “Rabi, ndilili No kasola kundiziba? Nse na Ku sweetne, Ndili mweenzu mu mbunga eyi, Nse na sikide okuno. Mbobuti Mbo konzya kusola kundiziba?”

²¹⁷ Wa kati, “Filipu katana kwiita, noli kunsi lya cisamu, Ndali kubwene.”

²¹⁸ Oyo wakali Jesu jilo. Mbo mbubo na? Ikuti na Ngu mbobuca, Ngu mbubonya sunu. Atu bweze mukowa umbi wa bantu. Kwa kali mukowa wa bantu...

²¹⁹ Kwakali misyobo yotatwe biyo ya bantu, eyo yakali ya bantu ba Hamu, Shemu a Jafeti. Mwabona? Obo mbo mbubo ncobeni. Oko nkooko, ku Pentekoste, oko Makanimabotu nkwa kaunka kuba Juda, mpawo kuba Samaria, elyo mpawo kuli Bamasi. Mwabona, bantu ba Hamu, Shemu, a Jafeti, njeeyo—njeeyo misyobo yotatwe. Lino, kuli misyobo yobilo yabo ilangila Mesiya; kutali ndiswe to Bamasi. Twa kajisi inkoli kusule lyesu, twa kali bahedeni, katukomba mituni; pele kutali—kutali Hamu a Shemu.

²²⁰ Lino, kuli umbi lino, i—i musyobo umbi wakali waba Samaria, abo bakali ba Juda Bamasi ku cibeela, bakacitwa kwiinda ku lukwatano kwa cibi ca Kora okuya, elyo bakaley. Alimwi bakali kusyoma muli Leza, bakali kulangila Mesiya.

Aboobo Jesu wakaunka, kuli tondenza Lwakwe kumbele lyabo. Wa kasika kuba Juda, Bakwe Beni, pele Wa kayandikana kwiinda ku Samaria. Musalali Johane 4, sa mwasola kucibala? Elyo Wa kali kuyandikana kwiinda ku Samaria. Aboobo Wa kasika ku munzi wa Sikamo, aboobo Wa katuma buyo basikwiya Bakwe mukati kuti bakaule zyakulya. Elyo kuciindi noba kaunkide...

²²¹ Ikuti na mwakasola kuba okuya, mbuboneki bwaciimo, mukalo, kuli ciguju ca munzi, mbuli, oko nko bakali kuteka meenda ansi. Nywebo mulizi, banakazi bakali kuboola aku bweza cakugaya akulosya bbakete ansi, kukuteka maanzi, kulitukka aa mutwe wabo. Elyo lino banakazi ba mpuwo mbi, banakazi babyaabi, tii bakali kuboola antoomwe a Banakazi bali kabotu. Tii baka jisi kuswaangana antoomwe mu mazuba ayo. Ii mwanakazi wakali mubi, waa kali kukkala buyo abalongwe bakwe. Kutali sunu; boonse bali antoomwe, pele bali buyo...pele ba, cili mbuli kusala ji lyaakati, uli bamba buyo cizibyo koonse, mwabona. Aboobo mpawo, balo, aboobo oku kuzuuya...

²²² Mwanakazi wampuwo mbi wakayutukila okuya, kutandila leveni theeti na kkota kusika a twelufu, kutandila mbuli ciindi eci ca buzuba, waa kaboola okuya keenda kuzo teka bbakete lya maanzi. Elyo waa kalosya i...kabikka i...Nda konzya kumubona kabikka zyakuzungulusya awa akugaya, kucilosezya mu mukalo, kuti atekte bbakete lya maanzi. Elyo kutandila buyo ciindi waa katali kuli kwelela atala, waa kamvwa muntu umwi kaamba kuti, "Mwanakazi, ko Ndi letela akunywa." Elyo waa kalanga koonse a kubona mu Juda. Lino, teeба kajisi zyakubelekela amwi zili zyoonse.

²²³ Muntu wamusela waakati kati, Wa kali kutandila makumi otatwe. Pele Bbaibbele lya kaamba kuti Wa kali kulibonya kuba wa makumi osanwe, mulizi obo. Wa kati, "Yebo waamba kuti Wa kamubona Abrahamu, kakuli uli muntu utaindi ku myaka yakukomena iili makumi osanwe." Wa kali buyo makumi otatwe. Mwabona? Kati...Nda yeeyela mulimo Wakwe waka mu minya aniini. Aboobo wa kati, "Yebo waamba kuti Wa kamubona Abrahamu, lino twa ziba kuti Yebo ujisi daimona."

²²⁴ Wa kati, "Katanakuba Abrahamu, NDIME." Mwabona, Ngu Leza wa Abrahamu. Masimpe, Mbwa kabede. Wa kati, "Katanakuba Abrahamu, NDIME." Masimpe.

²²⁵ Elyo lino, ngooyo Uli kkede ku mukalo, Wa kati, "Mwanakazi, ko Ndi letela akunywa."

²²⁶ Waa kati, "Ta cili cilengwa. Tu jisi lusalululo lwa mikowa okuno." Mbubonya mbuli mboba kali kucita Kumusanza, akati ka basiya a bamakuwa, mwabona. Waa kati, "Tu jisi lusalululo lwa mikowa okuno. Ta cili cilengwa kuli Nduwe kundilomba, Yebo (mu Juda) kulomba ndime (mwanakazi waku Samaria)

ku kugwasya kuli koonse, cili coonse. Ta tukwe zyakubelekela amwi.” Waa kali mwanakazi muniini sibwaamu, nywebo mulizi. Aboobo, ambweni mwanakazi muniini mubotu. Elyo waa kaliimvwi awo, ambweni masusu aakwe avungene kaalengelela koonse ku busyu bwakwe, nywebo mulizi, alimwi takaliko busiku boonse. Elyo—elyo aboobo waa kati, elyo waa kati, “Ta cili cilengwa kuli Nduwe kundi lomba, mwanakazi waku Samaria, boobo.”

²²⁷ Wa kati, “Mwanakazi, ikuti nolizi Oyo ukanaana kuli nduwe, alimwi nolizi Oyo ngo kananina, nowa Ndi lomba akunywa.” Oyo ngu Mesiya jilo, mwabona. “Niwa Ndi lomba akunywa, Ne kupa maanzi cakuti tokayandiki kuboola limbi okuno kuzooteka.”

²²⁸ “Baa,” waa kati, “mukalo mulamfu, alimwi To jisi cakutesya, nko kuli Nko tandipede maanzi ali oonse?” Kati, “Taata wesu Jakobo!” Mwabona, waa kali Musamaria, pele waa kaita Jakobo kuti wisi, akwalo. “Wa taata wesu, Jakobo wakanywa ku mukalo oyu, ng’ombe zyakwe, mukwasyi wakwe. Elyo kabi Wa amba kuti Yebo ujisi maanzi mabotu kwiinda yaaya?” Kati, “Yebo waamba ‘kukomba,’ Yebo mukuba mu Juda, Yebo waamba ‘Jerusalemu.’ Swebo twaamba mu dundu eli.”

²²⁹ Wa kati, “Mwanakazi, ciindi cilasika, elyo lino ncencico, eelyo bakombi bakasimpe nibayo komba Leza mu Muuya, nkaambo Leza ngu Muuya.” Mwabona? “Taata ulangaula bali boobo kucita obo.”

Ncinzi Nca kali kucita? Wa kali kwaambaula kuli nguwe, kuswaana muuya wakwe. Mwabona? Lino, amuyeeye, We elede kuba Mesiya, kuli mbabo ba Samaria. Nkabela cigaminina Wa kali jana penzi lyakwe. Mbangaye bazi obo mbolya kabede? Masimpe. Waa kali kupona a mulumi wakwe wacisambomwe.

Aboobo, nywebo mwabona, taciluleme cindi wano jisi mulumi upona, uliko, a—a zimwi zimbi, a kuunka. Alimwi ku kaambo kali koonse buyo, kuleka mwanakazi, aku mukwata, a kuunka kukwata umwi umbi, kukwata umwi umbi, kukwata umwi umbi, ta mweelede kucita boobo. Aboobo Wa kati, waa . . .

Mpawo waa, Ndi yeeya kuti waa kali kupona akwalo kakutakwe kukwatwa kuli mbabo. Kwayanda taakwe nakakwatwa kuli mbabo. Kwayanda takasola kukwatwa. Aboobo waa kaamba zintu ezi zyoonse zibyaabi, nywebo mulizi, kacita zintu ezi zyoonse zibi.

Aboobo mpawo kucindi Na kaimvvi oko, kamu langa mbuli boobo, Wa kati, “Koya, Ndi letele akunywa.” Elyo waa kati . . . “Pele ikuti nolizi kuti Nguni ngo wambawida, niwa Ndi lomba akunywa. Njo kuletela maanzi akuti kotacino booli . . . Njo kupa maanzi, tocika booli limbi okuno kuzonywa.” Mpawo Wa kati, “Koya, kalete mulumi wako muboole okuno.”

Waa kati, “Munene, Nse jisi mulumi.”

"Oh," Wa kati, "waamba kabotu. Wa kali jisi balumi bosanwe, alimwi oyo ngo jisi lino tali mulumi wako. Muli ncico waamba kabotu." Walo, kaswiilila, oyo mwanakazi... Lino mpawo i... .

Ncinzi ba Juda ncobaka Mwi ita cindi nibaka Mu bona kucita ceeco? Sena baka Mu ziba kuba Mesiya? Peepe. Ncinzi ncoba kaamba kuti Mbwa kabede? "Beezebule, musondi," kati, "ezyo nguzu zyakali zya Beezebule." Elyo bakaita Muuya wa Leza, oyo wakali kucita kutweluka oko kuti, "cintu citasalali."

Wa kati, "Mwa amba bbala lyaku Ndi sampaula, Njo mulekelela. Pele buzubabumwi Muuya Uusalala ula boola, kuyo cita cintu nciconya; elyo kuti mu kaambe bbala lyomwe lya Ku usampaula, tamu kalekelelw kuli nkuko."

²³⁰ Aboobo mwabona awo mpo tubede sunu, ikuti na cacitika kuba sunu. "Bbala lyomwe Ku usampaula, taku kalekelelw, nanka mu inyika eyi na inyika iciboola." Aboobo mwabona eco nzyalani eyi ncoya cita. Lino amu ciyeeye. Amuyeeye canguzu. Amwapime aya majwi aasinizizye.

²³¹ Lino, ba Juda bakati, "Oyu Muntu ucita zintu ezi kwiinda kuli Beezebule. Ngu dyabulosi, musondi." Tu lizi kuti kusonda nkwa dyabulosi. Aboobo wa kati, "Oyu mwaalumi musondi."

²³² Aboobo Wa kabalekelela ku Mwi ita kuti musondi. Pele Na kamana kufwa nkabela Muuya Uusalala waka jokela, mpawo cakali andeene. Mwabona? Elyo eco, eco ncaku nzyalani ya Bamasi. Lino amubone.

Lino, i—i ba Juda bakali cibwene kale, kacipa mulandu.

²³³ Iba Samaria baka citambula, elyo waa kati, "Munene, Nda ziba kuti Uli Musinsimi." Ncinzi ncoyo cita ancico, omu Samaria? "Nda ziba kuti Uli Musinsimi. Tu lizi kuti cindi Mesiya asika, Uyo twaambila zintu ezi." Mwabona, bakali muzi Mesiya, Obo Mbwa kali kuyooba. Kati, "Tu lizi kuti Mesiya, oyo uutegwa Kristo, cindi Aku sika Uzo twaambila zintu ezi. Pele ino Yebo Nduweni? Sena Uli musinsimi Wakwe?"

Wa kati, "Nde Ndime. Nde Ndime."

²³⁴ Elyo ali ceeci! Lino amuswiilile. Ali ceeci, waa kasiya nongo yakwe ya maanzi akuzuzila mu munzi, a kuboola kwaambil bantu mu tugwagwa, kazuza kwiinda mu munzi, kati, "Amuboole, mubone Muntu Oyo wandaambila zintu ezyo Nze kacita! Sa oyu tali ngo nguwe Mesiya?" Alimwi Bbaibbele lyakati munzi onse waka Mu syoma nkaambo kakuti mwanakazi waka caamba ceeci, eco Nca kabaambila, nkaambo Wa kali Mesiya.

²³⁵ Lino, ikuti na eco cakali citondezyo ca Mesiya jilo, elyo Ngu mbobuca nguwenya, sunu, amuya myaaka, ciyooba citondezyo nciconya sunu. Mbo mbubo na? Mbangaye bayo zumina ali ceeco? Masimpe, iifyi, cili mbubonya. Yaa.

²³⁶ Lino, sena uyooba muntu wandeene? Peepe. Wa kayanda, Wa kalila, Wa koomoka, Wa koona, Wa kaunka mu nkanda, kaunka kukuzela nswi, kacita mbubonya buyo mbuli umwi umbi. Wa kali muntu buyo, mwabona, pele nekubaboobo Wa kali Mesiya uunanikidwe.

²³⁷ Lino, lino tula yeeya omuya mu Bbaibbele, eco cila twaambila zya kaindi maningi, awo mpo twiinka ku Magwalo manji a kutondezya kuti Bbaibbele litaminina kuti kuyooba “Ii buzuba obo butakabi masiku nanka sikati,” buzuba buyo busiyasiya, tubunga a mbungano, kunji kwa kufutulwa, “pele ku ciindi caku mangolezya kuyooba Mumuni.” Mbangaye bakasola kuba eco mu Bbaibbele? Masimpe. Mwabona?

²³⁸ Lino, mu majwi amwi, izuba lilapasuka Kujwe a kubbilila Kumbo. I zuba ndilyonya lizwa Kujwe, libbilila Kumbo. Ee, cindi Mwana wa Leza, M-w-a-n-a, naka buka Kujwe, ku bantu ba Kujwe. Lusumpuko lwakeenda, lweenda amwi a zuba, elyo lino tuli ku Nkomwe ya Kumbo. Ikuti na waunka kulanduka, ula unka ku China, kujokela Kujwe alubo. Aboobo mpawo Mwana nguwenya oyo wakamweka Kujwe uli mukumweka lino Kumbo, a lubbizyo ndulonya lwa Muuya Uusalala, zitondezyo zyoonya, zigambyo zyoonya, Mesiya nguwenya. Cili kabotu na? “Kuyooba Mumuni ku ciindi caku mangolezya, kazila kayaku Bulemu muyo kajana ncobeni.” Mbo mbubo.

²³⁹ Tuli ku mangolezya, Mumuni waku mangolezya. I zuba liya bubbila. I Mesiya uli akati kesu. I Mwana wa Leza, mu ciwa ca Muuya Uusalala, uli akati kesu. Mula syoma obo na? [Mbunga yaamba, “Ameni.”—Mul.] Sa mula ndisyoma kuba mulanda Wakwe? [“Ameni.”] Sena mula syoma kuti eco Nce mwaambila Mbwini? [“Ameni.”] Sena mula syoma kaano ka Angelo ulya cifumo ca jilo, cifumo ca zoona? [“Ameni.”] Sena mula cisyoma? [“Ameni.”] Nkokuti akube kuti Leza wa Julu, akube kuti Leza oyo wakayutuka kuli ndime mu ciwa ca fulicoongo oyo, akube kuti Walo akanane. Alimwi akube kuti mibili wangu usalazigwe kuli Nguwe, buntu bwangu, muuya, a muzeezo, zisalazigwe ku bulemu Bwakwe. Cindi Ne kali kuyandaula oyo sikaale wamamanino, alimwi ndaka luuzi kuti uyooba wamamanino, akali mpoonya ku maminiti otatwe kusika aa teeni okuloko, elyo Nda kaambide kuti uyoobako aa teeni okuloko.

Nywebo mulizi, Wa kati, “Ambe kufumbwa nco yanda. Ciyooba mbubonya obo.” Tana cikakilwa pe, kufumbwa. “Ambe buyo kufumbwa nco yanda.”

Pele ciindi calusele nicaka solwa kucitwa, cakali aa mwanakazi muniini. Uli kkede kusule okuya lino, Nda yeeyela. Nda bona Mukwesu Wright uli kkede awa. Hattie Wright, cindi naaka lomba bana bakwe bobo-... Ngooyo mpabede, mpoonya awo lino. Ku lufutuko lwa bana bakwe bobilo, (teecakali boobo

na?), kali cilwana canguzu. Nda kati, “Nda kupa bana bako, mu Zina lyu Jesu Kristo.” Ba kawida eeni amabelo akwe.

²⁴⁰ Ed Daulton, muna Baptisti uukkede awa, kuzwa kumusanza mu Kentucky, ulikkede mpoonya awa. Mbangaye bana mbo jisi, Ed? Bana bali kkumi ababili. Kaimvwi mpoonya awa, wa kalombela bana bakwe. Nda kazwa mu buyake. Ed wakaboola kuli ndime alubo; Nda kati, “Ed.”

I Muuya Uusalala wakali ali ndime, kati, “Ko cipa kuli nguwe. Ko mupa.”

²⁴¹ Nda kati, “Nda kupa bana bako.” Boonse babo, kafutulwa a kubbizigwa. Kwakali mukubusi wakwe wakakkede ku ng’anda, kalindila, kalila, waka futulwa kuzwida ciindi nakali kutala okuno. Oyu mukwesu muna Baptisti uzwa kumusanza mu . . . Oh, oh, obo Mbwali mubotu cindi Åka nana!

²⁴² Nda Mu lomba lino, ku bulemu Bwakwe, kulitondezya Lwakwe, kuti Ngu Kristo, akuti Nda amba Bwini.

²⁴³ Lino, kuti i—i uutasyomi kutegwa abule malobokelo. Ndi yanda bantu abo bali momuno, abo bacisidwe a babulide kapati, babulide Leza, abo Mbe tazyi, beenzu mu milyango yesu, bantu abo Mbe tazyi, abo bali kokuno, nkabela mubulide Leza, amutambike maanza anu. Bantu koonse. Cakuti, yaa, kubaanga boonse kubusena konse, Nda yeeyela. Bantu abo Mbe tazyi. Ikuti na Nda ita muntuumwi oyo uuzyi, kuti oyo Ndili muzi alimwi uli ndizi, alimwi—alimwi tuli zibene kabotu umwi aumwi, utaambi nociba cintu, komuna buyo. Ikuti na Walo Mwana wa Leza, uuli Mbwa bede, alimwi Mulumbe wangu uli luleme, alimwi kuti Angelo . . .

²⁴⁴ Cindi nakali maminiti otatwe kusikila ku teeni, Nda kati, “O Leza, Oyo wayutukide kuli ndime kaindi kaniini kainda muli fulicoongo oyo, maminiti otatwe. Nse boni sikaale. Maminiti otatwe, We elede kuleta omwe kuli ndime.” Elyo Leza mukuba Mubetesi wangu, Nda caamba ncobeni cakusiniza a janza lyangu aa Bbaibbele. Nse syomi mu kukonkezya, Bbaibbele talyaambi boobo; Lyu amba kuta cita boobo. Pele Leza Mubetesi wangu, sikaale wakazuza kuseluka ncobeni mu cisamu a kukkanla buyo kabotu mbubonya. Tana cikakilwa; Tana cicitide. Bunji bwabo okuno nkobali bazibe zintu ezyo. Ndi lizi kuti Walo, oyo Leza nguwenya, nkwalii ano.

²⁴⁵ Kuli makkaadi aa mipailo aavozegwa. Ta ndayandi. Tuyo balekela kukombelwa mu maminiti masyoonto, bayo boola mu mundando. Nse yandi bantu abo—abo bako kuno, na kufumbwa.

²⁴⁶ Ndi yanda beenzu. Ndi yanda bantu abo bata ndizi. Ndi yanda kuti upakamane ku mizeezo yako, Ndi yanda kuti wiinke koya buyeeya a kukomba, a kwaamba kuti, “Leza, ulya mwaalumi ta ndizi pe.”

²⁴⁷ Elyo buzuba bumwi mwanakazi muniini wakalisyanikizya kwiinda mu nkamu ya bantu. Waa kajisi penzi lya kuzwa bulowa. Elyo waa kati...

²⁴⁸ Cindi boonse babo nibakali kwaamba kuti, “Ngooyu Mpa bede! Amu Mu lange! Ngooyo muna Galilaya,” a bumwi. Boonse babo bama rabi abamwi bambi kabaimvwi awo, kwaamba, “Rabi, tu yandaula citondezyo kuzwa kuli Nduwe,” azimwi zimbi mbuli booboo.

²⁴⁹ Oyu mwanakazi muniini wa kati, “Ndi Mu syoma kuba Mwana Leza. Alimwi Nda syoma ikuti na Nda kuguma biyo moombe wa cikobela Cakwe, Njo ponesegwa.” Mbangaye bazi obo? Waa ka Mu guma.

²⁵⁰ Kutali kuti Wa kalimvwa; pele Wa kaima a kucenguluka, kati, “Nguni wa Ndi guma? Muntuumwi wa Ndi guma.” Bantubonse bakaumuna wii. Kati, “Muntuumwi wa Ndi guma.” Kati, “Nguni wa Ndi guma?”

²⁵¹ Elyo Wa kalangalanga kusikila Wa kamujana oyo mwanakazi muniini. Ta kakonzya kulisia mwini. Ta kakonzya ku cijana. Kamujana a kuti, “Lusyomo lwako lwa kuvuna.” Kati, ka mwaambila, penzi lyakwe lya kuzwa bulowa lya kavunwa nka...kaleka, nkaambo kakuti waa kasyoma, elyo lusyomo lwakwe lwa kaguma cikobela Cakwe. Mula syoma eco? Yaa.

²⁵² Lino, sena Walo Mupaizi Mupati sunu oyo ukkede ku janza lya lulyo lya Leza, ka kombelezezya ku kulyambilila kwesu? Sa Bbaibbele lyaamba kuti Walo Mupaizi Mupati oyo ukonzya ku gumwa kwiinda ku kulimvwa kwa kulengauka kwesu? Sa eco cili luleme? Yaa, ikuti na uli cisidwe, kotalika kupaila, koamba, “Mwami Leza, Nda zwaa kumvwa Mulumbe. Nse—Nse muzi mwaalumi oyu. Ndili—Ndili omuno mu cikombelo. Nse booli kokuno, eyi taili mbungano yangu ya munzi. Ndi zwa kubusena bumwi bumbi. Nse zwi mu dolopo, Ndi zwa ku busenabumwi bumbi. Nse muzi mwaalumi. Pele uci bamba, kulibonya kucibamba bwini loko kuti Nduwe, alimwi waamba kuti Wa kayutuka kuli nguwe, kuteeti Mulumbe wakwe wali luleme, aboobo Mbo cita zintu ezi. Lino, Nse muzi mwaalumi, pele Ndili Ku zyi. Aboobo ikuti na wali tuula mwini kuli Nduwe, alimwi Ube lesya mubili wakwe kukanana Majwi Aako Omwini kwiindamo, mulekele akanane kuli ndime. Ndi lekele ku guma cikobela Cako, Mwami.” A kubona ikuti na Ula cicita na pe! Ubone ikuti na Ngu Leza.

²⁵³ Ikuti na Ucili Leza, Ula konzya kubelesya milomo yangu kukanana majwi ngaonya kuteeti inga Wa cita, nkaambo Ta jisi milomo cita yangu a yako. Ta jisi meso cita esu. Aboobo Use luka buyo a kubelesya Mbungano Yakwe kwiinda mu mubili wesu. Mula cisyoma eco na? [Mbunga yaamba, “Ameni.”—Mul.] Kubelesya, Lwakwe! Nce ncico Nca kaamba. “I milimo eyo Nje cita, muyo cita njionya.” Mbo mbubo na? [“Ameni.”]

“Milimo njiyonya, muyo icita.” Eyo yakali milimo Nja kacita, kutondezya kuti Wa kali Mesiya. Lino, ikuti na Ngu Mesiya, elyo Mbwa bede, nkokuti, mukuba bwini, mpawo Ula cita milimo njiyonya ndyoonya lino, kwiinda mu Mbungano Yakwe, eyo Nja kacita kaindi. Eco citondezya kuti eco cili luleme, kakutakwe kulanganya tubungwe twanu toonse. Oh, aleluya!

²⁵⁴ Mukwesu Kidd muubauba mudaala a Mucizi Kidd bakkede awa, bobilo babo, elyo bala myaka ili makumi ali lusele, yaku kambauka kuzwa Nke tana zyalwa. Okuno wakali lede cifumo cimwi, kafwa, ku kkulenge, kutandila myaka yobilo yaında, lyakali kutenda kwiinda mu kabeela kakwe kali munsi lyasubilo; kutala oko kulaale mu Ohio. Bali beenzuma bangu bayandwa maningi. Mucizi Kidd kandi tumina, wakati, “Billy, ncibotu ufwambaane. Uli mukufwa ncobeni, kufwa ncobeni lino.” Elyo Billy a Ndime twa kali kutandila kuumpa mootokala wangu oyo wakabelesegwa kale kutala, katuya kutala okuya.

²⁵⁵ Cindi Ne kasika okuya mu kaanda, Mbwe kasikila biyo okuya, Muuya Uusalala wakakanana, “MBUBOOBU MBWAAMBA I MWAMI.”

²⁵⁶ Ngooyo uliimvwi, kamboni ku bulemu bwa Leza, akwalo ujisi dokotela wakwe wakanyongana koonse. Nkuti buyo, Ngu Leza! Sa inga Nda cicita eco? Peepe, munene! Majwi angu ali buyo mbuli majwi aa mutunu uli oonse. Pele oko kwakali MBUBOOBU MBWAAMBA I MWAMI! Ameni.

²⁵⁷ Myaka yaında, kumusanza mu malundu aku Kentucky, Mbungano yakaindi niini iya Leza, na amwi angawo, kulongela atala a kunselelo lya mbali ya zilundu, kuuma mapopwe kubelesya cibeela ca cintu cimwi, a Kidd mutumbu mucembele, kuti asanine cikama ca bana; kuwashilila mu cisanzizyo, kuti atume mulumi wakwe kuya mu mulimo.

²⁵⁸ Elyo mpaawa mpo bali mu makumi abo ali lusele, kabakkede awa sunu, kababotelwa Makanimabotu aa Jesu Kristo, kweenzya mamaile ali mwaanda akumwi Munsono cifumo, Munsono lyonse Nda kambauka kunselelo okuno, kutegwa bakonzye kwaamvwa kujatikizya ncico. Masimpe, tula batumina kutambwa, ba yanda kuboola. Longezya myoyo yabo misyoonto icembeede. Mbo mbubo. Ndi yanda kuti muntu aumwi omuno asukane maanza cifumo cino, ikuti na bala konzya, kuba longezya.

Lino amukcombe.

²⁵⁹ Oh, Ndili kkomene loko ku ziba kuti Ngu Leza. Ino nkulimvwa! Nywebo mwati, “Ino wimikila nji, Mukwesu Branham?” Ndi lindila Nguwe. Nku ii...Ndali kukambauka. Obu mbunanike bumbi.

²⁶⁰ Elyo ikuti na Uyo boola a kucicita, mbangaye omuno mpawo, abo bacisidwe, bayo Mu zumina mbuli Musilisi wabo? Amu tambike buyo maanza anu, nyoonse nobantu bacisidwe, ikuti na

Uyo—ikuti na Uyo cicita. Amu tambike maanza anu, nyoonse nomu cisidwe, abo bakonzya kubona kuti Mesiya, Kristo, ula akati ka bantu, kakanana.

²⁶¹ Komba. Syoma. Njo salazya ku lubazu *olu* lwa ng'anda. Ndi jisi loko bali mukukomba. Ndi bwene bunanike.

²⁶² Amulange. Mbangaye bakamvwa kuti, oyo Musumpululu wa Mulilo okuya, oyo sayaansi ngoya kaanzika omuya mu Washington, DC? Mu luuzi. Nceeci cifoto ca Nguwo, mpoonya awa, Musumpululu wa Mulilo nguwenya waka soloilela Musa. Cindi ayalo sayaansi niyakati, “Buzuba bumwi cinooli mu mashelofu a cintoole ca teeni seenti. Cilenge Cigambyakwinda cilikke eco caka solwa kukkopwa.”

²⁶³ Oyo Angelo nguonya uli mpoonya awa a cikambaukilo ndyoonya lino. Amu ciyandaule. Nda muzundikizya ku cisyoma. Nyewebo nomuzwa kumbi, amu syome.

²⁶⁴ Lino Nde elede buyo kulangilila oko Nkwe Ubuna kuunka. Amube babateme, nyoonse, mu Busyu Bwakwe, oko Kulemeku kulibilisya.

²⁶⁵ Nda bona mwaalumi. Mboobu mbocibede. Uli kkede ku lumwesi lwangu, kusule nkoonya *okuno* mu kkona. Walo uciswa penzi lya zipulo zya kumpemo a penzi lya mwida. Kosyoma a moyo wako onse. Noli mweenzu kuli ndime. Abo Mba Wells. Elyo nde zina lyako mbo libede, Ba. Wells. Tozwi kokuno. Uli waku busena butegwa Aurora, Illinois. Obo mbwini. Mbwini na? Ndili mweenzu kuli nduwe. Ikuti na mbo mbubo, tambika maanza ako. Imikila ku matende ako. Jesu Kristo waku bamba kabotu.

Wa syoma lino na? “Ikuti na ula syoma.”

²⁶⁶ Lino, oko, mulombwana oyo, Nsenya mubwene mu buumi bwangu, alimwi mweenzu cakumaninina akati kesu. Uzwa ku cisi cimbi. Elyo Muuya Uusalala, lino, kufumbwa Nco waamba kuli nguwe, Nse kazibi mane Ndi kamanizye teepu eyo. Mbunanike obo buboola ali nduwe. Pele mwaalumi ulizi.

²⁶⁷ Eco nco waambilwa mbwini. Mbo mbubo na, munene? Inzya. Tuli beenzu. Kuli, abe kamboni lwakwe.

Nguni wacita ceeco? Mesiya, Kristo.

²⁶⁸ Ngooyu mulindu uli kkede nkoonya kusule awa, akati ka bantu, mpoonya *awa*. Senya mwaubona ulya Mumuni atala lyakwe? Walo uciswa penzi lya lukanda. Muka. Pitman, uzwa ku Owensboro. Ikuti na uli mweenzu, kovukauzya janza lyako. Senya zintu ezyo zya bwini? Vukauzya janza lyako. Leza wakuponya. Nsenya mubwene mwanakazi, nokuba, cita biyo mu cilengano.

²⁶⁹ Kutegwa muzibe, mpoonya kuzwa ali nduwe kuli mwanakazi uulikidwe kuti Ellis, Muka. Ellis, mwanakazi muniini. Ujisi penzi lya kubukaintu. Awalo mweenzu. Ikuti na obo mbo mbubo, vukauzya janza lyako. Senya abo mbanyoko bakkede munsi lyako awo? Mulindu uukkede waawo, uciswa kuyoowa, kuvula kwa

zyandeene zya kuyoowa ali nguwe. Ikuti na mbo mbubo, tambika janza lyako, mulindu. Yaa. I kuyoowa kwaunka. Ula konzya kuunka ku muunzi, koba kabotu. Nda kuzundikizya ku syoma.

²⁷⁰ Kulaale kusule maningi, mu kkona, kulaale, mwaalumi uzwa ku Minnesota, uujisi penzi lya musana. Zina lyako MBA. Carson. Imikila ku matende ako. Penzi lyako lya musana lyaunka. Jesu Kristo waku bamba kabotu.

²⁷¹ Nkoonya kusule kunze *okuno*, mulindu ulaciswa. Ta zwi mu dolopo. Uzwa ku busena butegwa Blue Island. Ujisi penzi lya moyo. Obo buli munsi lya Chicago. Muka. Braiden, nyamuka, tambula kuponesegwa kwako. Koya ku muunzi akuba kabotu, mu Zina lya Jesu Kristo.

²⁷² Sena muli mukusyoma? [Mbunga yaamba, “Ameni.”—Mul.] Ino ku cibeela *eci*? Mulizi na cuti oyo ngu Mesiya? Mbobuti muntu mbwa ziba?

²⁷³ Boonse aba bantu baitwa, kusika awa, alimwi bazi cuti Nse zyi cintu kujatikizya ndinywe, amutambike maanza anu, nyoonse nywebo nobantu baitwa, koonse. Mwabona okuya?

²⁷⁴ Kuli muntuumwi kusule lyangu, upaila, kusule, omu mu kaanda. Mulombwana muniini, uwizuka, upailila mweninyina okuya mu Kansas, ujisi kkulenge. Boola kumbele ku mulyango. Koba a lusyomo muli Leza. Ula syoma na?

²⁷⁵ Elmer, oko kwali kuswaangana kumwi a nduwe. Nda bona bauso kabakkede awo, bakaintu babo. Kwindilila kufundilila kwa bulowa. Ikuti na ulasyoma, Leza uyo kuponya. Ta ndizi. Mbo mbubo. Embo na? Kosyoma a moyo wako oonse.

²⁷⁶ Mula syoma na? Sena mula syoma cuti Jesu Kristo ngu Mesiya? [Mbunga yaamba, “Ameni.”—Mul.] Sena mulasyoma cuti Busyu Bwakwe buli waano? [“Ameni.”] Amuyeeye, cindi mwanakazi omwe naka guma cikobela ca Jesu, Wa ka kompama. Buboto, nsana, zyakazwa kuli Nguwe. Ndi tandila ku kudekela lino. Mula syoma na? [“Ameni.”]

Nkokuti atu kotamike mitwe yesu aniini buyo.

²⁷⁷ O Jesu, Mesiya wa Leza, Yebo uli munsi Lyonse. I bantu balizi cuti Uli Mwana wa Leza, cuti Uli waano lino. Zitondezyo a zigambyo Zyako zipati zili muku tondezegwa. Ba longezye, Taata. Ba longezye, Nda komba. Akube cuti basyome ndyoonya lino, a moyo wabo onse, cuti Yebo, Mesiya, ngo Nguwe wiimvwi awa. Takwe muntu uukonzya kucita ceeco. Eco tacikonzeki ku buntunsi, Mwami. Maleele, kubona nguzu zya Mesiya kuboola mu busena buniini, bubombe mbulu boobu, nkaambo Wa ka cisyomezya, Mwami. Nkaambo, luzyalo Lwako luli waano kutufwida luzyalo. Nkaambo kakuti ncisyomezyo Cako ca kucicita, Wa cicita. Twa bona cuti To siyi bantu Bako.

²⁷⁸ Lino, Taata Leza, akube cuti abo bajisi makkaadi amipailo, baboola mu mundando wa mipailo, akube cuti babe a lusyomo

Iwa kusyoma. O Leza Singuzuzyonse, cindi maanza abikkwa ali mbabo, akube kuti bazwe omuno, kabatangala, koongolola, kulumbaizya Leza, kuteeti baponesegwa. Ko cipa, Mwami.

²⁷⁹ Elyo lekela baaba bafutulwa, bazibe kuti kunyina maseseke kuli Leza. Leza ulayubununa maseseke aa moyo; Uli zyi miyeeyo yoonse eyo iili mu mizeezo yesu. Ko cipa, Taata. Twa lomba mu Zina lyu Jesu Kristo. Ameni.

²⁸⁰ Lino, nywebo nomu jisi makkaadi amipailo, omuya mu bbunga lyabantu, nywebo nobantu bali munsi lya cikombelo, munsi moonse *omuno*, abo bajisi makkaadi aa mipailo, sena mula syoma? Amutambike maanza anu. Alimwi amusyome kuti muntunsi takonzyi kucita ceeco. Eco ceelede kuzwa kuli Leza. Sena mula syoma kuti ncisyomezyo ca Leza, eco Leza nca kaamba kuti Uyo cita? [Mbunga yaamba, “Ameni.”—Mul.] Yaa. Nkokuti mulizi kuti Muntuumwi mpali ano kunze lya muntu.

²⁸¹ Nda bweza Ijwi eli cakusiniza, kuli Leza. I bantu abo bakananinwa, kufumbwa mbo babede, Nse bazi pe, alimwi taba ndizi. Mbeenzu abo baswaya buyo mu cikombelo omuno, kufumbwa oko nkuba bede.

²⁸² Ndi bona zilengaano ku bantu omuno abo bali mu cikombelo, pele mubaleke balikke, inzya, mubaleke buyo balikke.

²⁸³ Abo bantu baitidwe, kufumbwa na walini, kutegwa bamwi babone kuti muli beenzu, tambika janza lyako. Mwabona? Umwi aumwi, mbeenzu bonse.

²⁸⁴ Cintucimwi cizumanana buyo kundeenza. Nda bona mulindu usiya wayutuka kumbele lyangu, ciindi coonse, ujisici coondamazwi a kwiindilila kufundilila kwa bulowa kupati. Iiyi. Uli mweenzu akati kesu. Uzwa ku Memphis, Muka. Sals. Nde zina lyako. Nciindi cako cakusaanguna okuno. Sena ulasyoma Mwami, a moyo wako onse? Nkokuti ula konzya kuunka ku muunzi aku futulwa, kuponesegwa. Leza ula cibwezela nguwe.

²⁸⁵ Amusyome a moyo wanu oonse, nyoonse. Amu tambike maanza anu lino, nyoonse. Amu syome a myoyo yanu yoonse. Amu bikke maanza anu ali umwi aumwi.

Boola okuno, Mukwesu Neville. Boola okuno, kopa mupailo.

²⁸⁶ Kuciindi notu kotamikide mitwe yasu, Mukwesu Neville uyo paila.



I MULUMBE WA LUZYALO TNG61-0827
(The Message Of Grace)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo kuseeni, Ivvivvi 27, 1961, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org